

甘肅全省新通志

卷之拾陸

地186
39
部-182

76587

甘肅新通志卷之五十六

明徐達字天德濠人洪武元年以征虜大將軍右丞相將二十五萬人北伐克燕京平山西復引兵西渡河會諸將議所向皆曰慶陽易於臨洮達曰不然慶陽城險而兵精猝未易拔臨洮北界河湟西控羌戎得之其人足以備戰鬪地產足以佐軍儲今以大軍蹙之思齊不走卽束手縛矣臨洮克旁郡自下遂進克秦州入鞏昌遣右副將軍馮勝逼臨洮李思齊果降張良臣懼亦以慶陽降進太傅封魏國公達言簡慮精在軍令出不二善撫循與士卒同甘苦人思感恩効死以故所向克捷卒封中山王配享廟庭爲功臣第一

郭子興濠人從大將軍徐達守潼關移鎮鞏昌三年四境帖然

常遇春字伯仁懷遠人洪武二年副大將軍達西入秦李思齊迎

甘肅新通志

卷五十六

職官志

大吏傳下

一

降平奉元鳳翔鞏昌臨洮號令嚴肅不妄殺一人故所至歸服秦人德之立祠祀焉卒封開平王謚忠武配享廟庭位列第二

湯和字鼎臣濠州人洪武二年從大將軍入潼關趨涇州越六

盤山關隴皆平明年與徐達馮勝襲元將擴廓帖木兒敗之北定

甯夏至察罕腦兒卒封東甌王謚襄武配享廟庭

馮勝定遠人洪武二年以右副將軍從大將軍下陝西取鳳翔

隴州鞏昌進兵臨洮李思齊降克慶陽執張良臣復平河州三年

復命勝爲右副將軍同大將軍擣定西大破擴廓帖木兒獲士馬

數萬王保保等俱逃竄封宋國公五年詔爲征西將軍分兵由西

道取甘州至蘭州元將迎降追朵兒只班俘獲數十萬進拔肅州

開創河西勝功獨多二十年爲征虜大將軍討納哈出降之列勳

臣第三

鄧 愈虹縣人初名友德太祖賜名愈洪武三年以左副將軍從大將軍平隴右大敗王保保於定西自臨洮進克河州招降吐蕃諸酋長河州以西朵甘思烏思藏等部悉來歸封衛國公八年創蘭州河梁定河西九年吐蕃所部掠烏斯藏貢使十年復以愈爲征虜將軍往討之愈分兵爲三道覆其巢穴窮追至崑崙山俘斬萬計獲馬牛十餘萬上嘉其功召還卒封甯河王諡武順配享廟庭

耿秉文濠人下河西從大將軍徐達走李思齊張思道開拓西郡卽鎮其地築城池設衛所以功封長興侯

耿 忠秉文之弟洪武九年開立甯夏披荆棘修法制招攜懷遠恩威兼著守以鎮靜境土以甯

沐 英字文英定遠人洪武十年以征西副將軍從鄧愈出塞渡

甘肅新通志

卷五十六

職官志 大吏傳下

二

黃河略烏斯藏耀兵崑崙轉戰數千里俘獲萬計論功封西平侯拜征西將軍征西蕃降元萬戶乞失迦三副使平其部落擒洮州十八族十二年平朵甘納兒七站地十三年以脫火赤犯順由亦集乃路渡黃河歷賀蘭山涉流沙分兵爲四翼自以驍勇衝其中堅銜枚夜薄其營生擒脫火赤及知院愛足全部以歸卒封黔甯王諡昭靖配享廟庭

宋 晟定遠人洪武十七年討西蕃至亦集乃路擒元國公平章進右軍都督鎮守涼州二十四年充總兵官討哈梅里倍道疾馳奄至城下金鼓震地卽日克之蕃戎懾服建文元年鎮甘肅永樂元年拜平羌將軍仍鎮甘肅三年招降把都帖木兒部落封西甯侯晟凡四鎮涼州前後二十餘年威信著絕域

馬 鑑洪武間以都督僉事提兵甯夏率兵出賀蘭山至五井與

元年章論卜戰大破之

陳懋涇國公亨少子永樂元年以功封甯陽伯六年佩征西將軍印鎮甯夏善撫降卒明年元丞相魯卜及平章司徒國公知院十餘人率眾相繼降已而平章都速等叛去懋追擒之盡獲所部人口畜牧

何福鳳陽人累官左都督鎮甯夏四年移鎮甘肅尋請以布市馬選其良者置官給印專領之馬大蕃息七年詔福嚴兵備阿魯台軍中事先行後聞封甯遠侯

楊榮字勉仁福建建安人永樂中甘肅守帥西甯侯宋琥奏叛寇老的罕逃歸赤斤蒙古衛將爲邊患時豐城侯李彬鎮陝西遂敕彬率師勦之且命榮往討度可否十二月榮還奏餉道險阻天時洹寒人疲馬瘠不可行且小醜不足以煩大軍遂敕彬旋師無

甘肅新通志

卷五十六

職官志

大吏傳下

三

幾叛者復歸又于永樂間以右庶子命往甘肅區畫軍務所過覽山川形勢察軍民休戚闕城堡虛實回京奏對武英殿上大悅時盛暑親剖瓜賜之且命中官賜以羊酒敕令休息凡五往甘肅復命皆得稱旨後官至少師贈太師諡文敏

李彬鳳陽人永樂中累功封侯涼州土酋老的罕叛令土官李英討之盡俘其眾老的罕走赤斤蒙古明年代宋琥鎮甘肅赤斤蒙古縛老的罕降帝嘉其功賜賚甚厚卒贈茂國公

費璘定遠人永樂八年以都督僉事總兵甘肅時叛賊虎保等侵掠涼州等處璘率兵敗之於雙城賊遂潰散追至魚海降之後召征迤北還十二年復任邊境甯謐加封崇信伯卒於鎮

史昭合肥人初哈密忠順王司徒火者他赤丁等偪強梗西域貢道昭率兵往討擒逆首以歸永樂八年北征克鷹揚將軍十一

年出鐵門關勦寇有功陞都督鎮守西甯宣德中以曲先蕃寇邊劫貢使昭充總兵官直搗巢穴生擒首惡俘獲無算凱還遷甯夏

史 釗以右都督總兵甯夏用兵有紀律能料勝負每置鐵燕子於帳前以候風色凡占驗毫髮無爽人以諸葛孔明方之置斥堠建關隘邊境利賴焉

鄜 埜字孟質宜章人有詣關告秦民羣聚謀不軌者上遂擢埜爲陝西按察副使敕以便宜調兵剿捕埜白其誣詔誅妄告者宣德四年陝右饑華亭宜川尤甚公私廩皆竭埜巡歷其地移旁縣粟賑焉民賴全活歷官兵部尚書諡忠肅

陳 鎰字有戒吳縣人宣德十年擢右副都御史鎮守陝西條奏軍民便宜多所廢置所部六府饑請發倉賑帝從輔臣請修荒政

甘肅新通志

卷五十六

職官志

大使傳下

四

鎰請徧行於各邊由是塞上咸有儲蓄歲滿當代以陝人乞留詔仍舊任時倉儲充溢足支十年鎰以陳腐委棄可惜請每歲春夏時給官軍爲刲饌不復折鈔從之九年春遷右都御史鎮守如故秦中饑乞蠲租十之四仍條上撫安軍民二十四事多議行尋遷理院事進左都御史景泰二年陝西饑軍民萬餘人願得陳公活我監司以聞帝復命之鎰至是凡三鎮陝先後十餘年陝人戴之若父母每還朝必遮道擁車泣再至則歡迎數百里不絕其得軍民心前後撫陝者莫及也鎰恩惠並著規畫政務曲盡事情常先事預防邊城賴以無患三年春召還加太子太保掌院事明年以疾致仕卒贈太保諡僖敏

王 驥字尙德東鹿人正統初阿台朵兒只伯數寇甘涼命驥以兵部尙書經略之驥至見沿邊城堡不堅將無紀律大會諸將問

往年遇敵魚兒海先退者誰咸曰都指揮安敬卽命引出斬之一軍股栗復大閱將士分兵晝地使各自防禦邊境肅然兵威大振敵首把禿孛羅寇莊浪遣都指揮魏榮授以方略破其部落闕甘涼軍穴冒者定更番法兵休息而轉輸省汰三之一還報命上親慰勞之未幾敵復入犯遣大將軍蔣貴等直搗狼山且戒曰不捷無復相見驥與都督任禮率大軍繼其後進擊敗之阿台朵兒只伯走死降其部落邊境悉甯捷聞上遣人齎金幣獎勞加大理寺卿後封靖遠伯卒贈侯諡忠毅

蔣 貴直隸江都縣人正統元年因虜僞王阿台朵兒只伯累寇甘涼拜平虜將軍率京軍五千騎巡邊追虜石城敗之斬二百餘級又追至兀魯俘獲殆盡阿台單騎走死西土遂安捷聞封安西伯掛平羌將軍印鎮守四年取回京後征雲南金齒皆有功十四

甘肅新通志

卷五十六

職官志

大吏傳下

五

年以病卒贈涇國公諡武勇孫琬爵定西侯博學能文成化初掛印充總兵在鎮十年兵務修明邊境甯謐

程 富正統間甘省缺參贊廷臣僉議富在江西殄滅大盜智仁兼備足當是任乃出鎮張掖訪博識之士以資謀議陳利害之宜以奠封疆邊備由是井井

任 禮字尚義臨潭人正統元年佩平羌將軍印鎮甘肅二年阿台入寇禦之大捷虜駢牧石城禮以勁兵出塞抵其巢大破之斬獲無算論功封甯邊伯賜鐵券十二年收捕沙州叛虜十三年虜僞祁王十四年大破虜於臨水卒贈侯諡僖

柴 車字叔輿錢塘人累官至兵部侍郎多謀略熟邊事正統初西鄙不靖命車協贊甘肅軍務調軍給饗悉得事宜初朵兒只寇涼州副總兵劉廣喪師不以實聞反邀功賞車劾其罔詔械廣詣

京又劾奏甯夏等守將失律亦召還前後章數十上甚剴切或以後患悚之車曰吾敢愛身以誤國耶每有功賞雖飭下必復驗後行岷州土官后能冒功得陞賞反覆論不可曰后無功得官何以待捐軀死敵者卒罷所陞官詔嘉之

金 濂字宗瀚山陰人正統三年擢僉都御史參贊甯夏軍務舉賢任能人服其公甯夏舊有五渠而鳴沙州七星漢伯石灰三渠淤濂請濬之溉蕪田一千三百餘頃時詔富民輸米助賑千石以上褒以璽書濂言邊地粟貴請并旌不及千石者儲由此充邊民賴之八年拜刑部尙書

羅汝敬名簡以字行吉水進士正統三年以朝命清理河西田賦始定軍田曰屯田民田曰科田各以上中下三則均其賦後奉爲定法

甘肅新通志

卷五十六

職官志 大吏傳下

六

王 翱字九臯鹽山人正統六年以僉都御史鎮守陝西羌人服其令歷官吏部尙書

羅 綺磁州人正統九年以御史參贊甯夏軍務有能名踰年當代軍民詣鎮守都御史陳鑑乞留以聞命復任常以事劾指揮任信陳斌二人皆王振黨時論稱之

芮 釗順天寶坻人正統間巡撫甘肅尋丁內艱朝廷重邊計特命奔喪遣官營葬襄事還鎮寇出沒邊境幾一載而城守無虞居民不致流離釗調度拊循之功居多

王 朝遠江西進賢人巡撫甘肅時輕騎巡邊增修屯堡煙火相望合境晏然夷人入市者擇廉吏主之平其物價彼此獲利夷人大悅

馬 昂字景高滄州人以右副都御史參贊甘肅軍務時都督王

喜玩寇失機昂劾其罪狀謫戍遼東將士無不畏服先是邊人恣鈔掠至強劫總兵進貢馬駝昂帥兵討之盡得主名梟示又擒其大將數人并其妻子械送京師已而甘肅戒嚴昂躬環甲胄簡精銳出屯山隘以待敵聞遁去陞兵部尙書敵復內侵陝西告急命懷甯伯孫鏜爲總兵昂仍總督刻日出師是夕曹欽反昂與鏜討之欽伏誅進太子少保仍掌兵事

郭 登字宗元郭英孫正統中守大同土木之難敵擁上皇之城下登陴謝卻之景泰元年大戰栲栳山以功封定襄伯上皇復辟謫戍甘州是年復爵充總兵官成化元年奏邊軍償馬甚艱至鬻妻子乞借楚慶肅三王府馬各千匹官酬其值從之後提督十二團營卒贈侯諡忠武

吳 琛南直繁昌人天順八年任甘肅巡撫與總兵衛穎等討巴沙巴哇逆番平之西土始爲甯謚其爲政公廉有聲檢括隱田整頓戎事外攘內安綽有成算後都督兩省軍務

甘肅新通志

卷五十六

職官志

大吏傳下

七

耿九疇字禹範盧氏人以刑部右侍郎巡撫陝西持已端方政令嚴肅劾都指揮楊得青等私役操卒詔按治邊將請增臨洮諸衛戍卒九疇言邊城士卒非乏將帥能嚴紀律精訓練勤撫恤絕侵漁賞罰明信則人人思奮不然徒冗食耳竟不增戍邊民春夏出作田秋冬輒徙入塞九疇言邊將所以禦寇衛民也今使民避寇失業安用將帥因禁民入徙有被寇者治守帥罪四年布政使許資言侍郎出鎮與巡按御史不相統事多拘滯請改授憲職便乃改授右副都御史大臣鎮守巡撫皆授都御史自九疇始

鄭 時字宗良舒城人巡撫陝西值大饑請得帑金四十萬賑濟分門給散疏平涼利民渠以溉民田民咸感其德

史琳字天瑞餘姚人歷官陝西布政司右參議時鞏昌蕃人爲梗始至掩擊之盡降其衆遂出行部自安定會甯歷金蘭抵秦州相度地勢增繕屯堡斥堠以斷賊路旣又轉關中粟以實甘涼身自督輸往來邊徼凡二年由是盡得其形勢要害及戰守方略

王章武進人以御史按甘肅單騎行邊由嘉峪抵天山蕃人畏服威德焚香獻酪者塞道期月閒封事百八十上悉關軍國大計

楊勉四川安岳進士成化初任固原兵備創建鼓樓永甯驛草場西安守御千戶所倉庫官署更開鎮夷安邊二門城堞巍然具有條理民稱其功

王槩廬陵人以右副都御史巡撫陝西設法救荒全活數萬人流民歸業

李玘弋陽人成化三年以監察御史任洮岷道號令嚴明修舉甘肅新通志

職官志 大使傳下 八

百務學宮官署及坊表橋梁皆煥然一新五年春羌戎犯境與御史江孟輪守備韓春潛師破之諸羌懾服

張鑿字廷器松江華亭人成化三年巡撫甯夏甯夏舊爲土城鑿始甃以輒導河流溉靈川屯田七百餘頃民蒙其利

馬文升字負圖鈞州人成化四年巡撫陝西與總督項忠討固原叛兵滿四擒之進左副都御史巡撫如故數條奏便宜務選將練兵豐財設險爲守邊計西固蕃族不卽命者悉滅之修馬政易蕃馬八千有奇以給士卒賑鞏昌臨洮饑民撫安流移績甚著而是時孛羅忽滿都魯亂加思蘭比歲犯邊文升請駐兵韋州設伏以待敵不能大逞十一年春代王越總制三邊軍務尋入爲兵部右侍郎孝宗卽位拜左都御史二年爲兵部尙書土魯蕃據哈密寇沙州薦許進巡撫甘肅果討克之西域遂定爲兵部十三年盡心

戎務自太子少保屢加至太保遷吏部尙書加少師年八十五卒
贈太師諡端肅

項忠字蓋臣嘉興人任陝西按察使歲饑發廩不待報母憂歸
部民乞留詔改右副都御史巡撫其地討洮岷叛羌降之成化四
年固原土兵滿四卽滿俊叛據石堡城城險固巡撫陳介進討大
敗賊眾二萬勢益張詔忠總督軍務與總兵劉玉討之時朝議欲
益兵忠言非便遂與巡撫馬文升分軍七道抵石城下與戰多斬
獲伏羌伯毛忠戰死諸軍遽退忠卽陣斬一千戶以徇眾乃定會
有星孛於台斗占者以爲秦分不利忠曰昔李晟討朱泚熒惑守
歲卒以成功乃遣兵薄城下焚賊芻草絕汲道賊益窘忠與文升
至呼俊諭以禍福於是城中脅從者率來降已而滿俊愛將楊虎
狸夜出汲被擒忠賞其死解所束金帶鉤賜遣之約爲內應誘俊

甘肅新通志

卷五十六

職官志 大吏傳下

九

出戰伏兵擒焉忠大小三百餘戰斬首七千六百有奇俘獲二千
六百陞右都御史兵部尙書卒贈太子太保諡襄毅

王越字世昌濬縣人成化五年寇入河套詔大同巡撫越帥師
赴之越遣將三路破之寇乃退七年加總督軍務專辦西事敕陝
西甯夏延綏三鎮兵皆受節制九月滿都魯及孛羅忽亂加思蘭
留妻子老弱於紅鹽池大舉深入直抵秦州安定諸州縣越策寇
盡銳西不備東偏乃率總兵許甯遊擊周玉各將兵兩晝夜行八
百里薄其營大破之擒斬三百五十獲駝馬器械無算焚其廬帳
而還及滿都魯等飽掠歸則妻子畜產已蕩盡相顧痛哭自是遠
徙北去不敢復居河套西陲息靜者數年十年春廷議設總制府
於固原控制甯夏延綏甘肅三邊總兵巡撫並聽節制以越任之
三邊總制自此始論功加太子少保進兵部尙書仍掌院事成化

十六年出塞大破虜於威甯海子封威甯伯宏治十年寇犯甘肅起越原官分兵三路進剿皆破走之加少保卒贈太傅諡襄敏鄧本端四川資縣進士成化時任洮岷道西固蕃賊擾境本端與守備黃欽后泰調度官軍設機密捕賊皆斂迹地方安謐

余子俊字士英青神人成化六年巡撫延綏請沿邊築牆建堡謂延慶地平易利馳突寇屢來犯宿留重兵所費鉅萬莫若於沿邊築牆置立堡砦今舊界石所在多高山陡崖依山形隨地勢或剷削或築壘或挑塹繇引相接以成邊牆於計爲便十年役陝西軍給食興工東起清水營西抵花馬池延袤千七百七十里或鑿崖築牆掘塹其下連續不絕每二里置敵臺崖砦爲巡警之所凡築城堡十一邊墩十五小墩七十八崖砦八百十九役軍四萬人不三月而成牆內之地悉分屯墾歲得糧六萬石有奇初延綏鎮治

甘肅新通志

卷五十六

職官志 大吏傳下

十

綏德州屬縣米脂吳堡悉在其外寇入掠鎮兵覺而追之已不及故往往得利去自子俊徙鎮榆林增衛益兵拓城置戍攻守器畢具遂爲重鎮寇抄漸稀民得安耕牧焉至十八年寇入犯扼於牆塹散漫不得出遂大衄邊人益思其功尋拜戶部尙書加太子太保卒贈太保諡肅敏

胡 欽成化間分守延慶嘗與巡撫馬文升相度險阻考按遺迹增修馬嶺木鉢等城葫蘆泉石等堡洞悉禦戎安民之計

吳 玘直隸華亭人成化八年任洮岷道在官廉潔凡創建修葺皆捐俸爲之值羌戎犯境屢擊敗之旋復乘間至玘疑土人有通賊者遣人密察果獲數人置諸法羌警遂息人服其嚴明

左 鈺直隸故城人以陝西僉事協守環慶才識宏毅幹辦精敏嘗提兵入韋州遏禦外寇及討平叛逆威名大著旋升大同都御

史參贊軍務爲時倚重

范 瑛字俊彥成化九年巡撫陝西專理茶禁先是三邊缺馬廷議欲資茶以市馬瑛謂禁太嚴則利盡錐刀以病商太弛則利歸權勢以病國乃斟酌行之於是官茶行而邊馬足

朱 英字時傑桂陽進士成化十年巡撫甘肅上安邊二十八事請徙居戎安流離簡貢使尤切時務又積軍儲至三十萬不以聞人或問之曰此邊臣常分何足言後歷兩廣總督卒贈太子太保諡恭簡

曹 鉉直隸句容人成化間任環慶兵備副使歲大歉鉉捐俸買黍作粥活人數萬民到於今誦其德

鄭 己字克修山海衛人巡按陝西甘涼諸路歲災告急己請蠲逋賦而分別邊兵令壯者戰守老弱耕牧又上匡時圖治疏以安民練兵責將吏以將吏責銓樞以銓樞之得人歸人主之講學納諫疊疊數千言講賑濟飭邊備陝以西賴之時勳貴出鎮子弟怙勢陵下監司莫敢問己捕杖之瀕死乃謀中之謫戍宣府時論惜之

甘肅新通志

卷五十六

職官志

大吏傳下

十一

于 茂山東甯海人成化間任環慶兵備副使兼理靈州鹽課剛正沈靜不怵於勢

賈 俊字廷傑東鹿人成化十三年巡撫甯夏在鎮七年軍民樂業擢工部右侍郎

劉 玉字仲璽磁州人成化間官都督與總制項忠討叛酋滿俊於石城堡封平虜副將軍石城四壁削立最險固玉勇進中流矢忠力救之滿俊旣擒乃毀其堡

徐廷璋字公器羅山人成化間以僉都御史撫延綏再撫甘肅條

上邊務劾貪將建設學校在鎮七年武備整飭調撫甯夏大築邊牆塹山堙谷增立寨堡繕亭障時與陝西馬文升延綏余子俊名相埒稱關中三巡撫

秦 紘字世纓單縣人景泰二年進士授南京御史數進直言權貴皆忌之會考察坐謫湖廣驛丞憲宗初自葭剗調知秦州後陞鞏昌知府遷陝西右參政岷州蕃亂討破之成化十四年秋寇入花馬池敗官軍直抵平涼詔起紘戶部尙書總制三邊軍務紘馳至固原躬祭陣亡將士恤其家奏錄死事指揮等五人劾治敗將四人罪更易守將練壯士與屯田申明號令軍聲大振初寇未入河套平涼固原皆內地無患自孛來住牧後固原當兵衝爲平慶臨鞏門戶而城隘民貧兵力單弱商販不至紘乃拓其外城郭招徠商賈建改爲州而身留節制之由是商賈流通公私兩便紘見

甘肅新通志

卷五十六

職官志

大吏傳下

三

固原迤北延袤千里閒田數十萬頃遂築屯堡募人屯種每頃稅米五石歲得五十萬石計修築諸邊城堡一萬四千一百所垣塹三千七百餘里固原屹爲重鎮敵不敢窺伺又以意作戰車名全勝車詔頒其式於諸邊在事三年四鎮晏然前後經略西陲者莫及十七年召還視部事以年老乞致仕卒贈少保諡襄毅

葉 琪直隸山陽人成化十六年任洮岷道十八年洮蕃作亂琪率守備劉琥冒矢石進剿斬首八十餘級蕃夷屏迹民賴以安

毛 驥直隸長垣人成化二十年任洮岷道時值凶荒設法賑濟全活甚眾法令嚴明蕃人懾服公餘爲諸生講論文理士風丕振孫逢吉山西渾源人成化二十年任固原兵備撫恤窮民賑濟有方人多懷之

羅 明字時昭延平人宏治元年任甘肅巡撫時鎮守分守內外

官競尚貢獻各遣使屬邊衛搜方物名曰採辦實扣軍士月糧或巧取蕃人犬馬奇珍且設膳乳諸戶僉廚役造酥油諸物比及起運沿途騷擾明奏請悉罷之報可甘鎮志曰疏通貢額自公始其他均水利清兵馬蠲逋賦於學校風俗尤爲加意復於公餘選秀民躬親教之革丁祭循用俗樂演習古樂舞器河西文風於是大振

柯 忠江南懷甯進士宏治初西甯新設兵備道忠以陝西按察副使來任勵精勤政開墾荒原重修學校勸課農務增兵閱武建碾伯右千戶所併遞運所惠民藥局養濟院諸處瘁精執掌不以爲勞

李 旻直隸趙州進士宏治初兵備甘肅增築礮臺邊人賴之

甘肅新通志

卷五十六

職官志

大吏傳下

十三

玉巡撫馬續等侵據屯田減削軍饟皆下吏勘問又言甘州膏腴地悉爲中官武職所據仍責軍稅城北草湖資戍卒牧馬今亦被占請悉歸之軍從之九年任洮岷道爲政寬嚴得中漢蕃悅服修理治署遷建儒學及城墩塞堡朔望課諸生數年之間風俗一變尋陞本省臬司去甘民爲之畫像勒碑焉未幾遷南京戶部尙書許 進字季升靈寶人除御史按甘肅有聲宏治七年以僉都御史巡撫甘肅時土魯蕃阿黑麻攻陷哈密執忠順王陝巴去使部酋據其城久不復進與都督劉甯輩出調諸部爲聲援冒雪夜進大破其眾諭曉餘眾降之復得哈密城以功陞副都御史巡撫陝西卒定西域官至兵部尙書贈太子少保諡襄毅

楊一清字應甯雲南安甯人授中書舍人久之遷陝西提學副使在陝八年宏治十五年擢左副都御史督理陝西馬政太祖著令

以蜀茶易蕃馬資軍中用久而寢弛奸人多挾私茶闌出爲利蕃馬不時至一清乃請重行太僕苑馬之官嚴私通禁盡籠茶利於官以服致諸蕃蕃馬大集屯牧政修軍用漸足李東陽劉大夏皆才之會寇大入花馬池命一清巡撫陝西仍督馬政甫受事寇已退乃選精卒教演之創平虜紅古二城以援固原築垣瀕河以捍靖虜劾罷貪庸總兵鄭宏裁鎮守中官冗費正德初寇數萬抵固原一清輕騎晝夜行抵總兵曹雄軍張疑兵脅寇夜發火礮寇疑大兵至遁出塞一清以延綏甯夏甘肅有警不相援患無所統攝請遣大臣兼領之卽命一清總制三邊軍務進右都御史一清遂建議修邊其略曰陝西各邊延綏據險甯夏甘肅扼河山惟花馬池至靈州地寬衍城堡復疏寇毀牆入則固原慶陽平涼鞏昌皆受患臣久官陝西頗諳形勢寇動稱數萬往來倏忽未至徵兵多

甘肅新通志

卷五十六

職官志

大吏傳下

古

擾費旣至召援輒後時欲戰則彼不來持久則師坐老防邊之策大要有四修濬牆壘以固邊防增設衛所以壯邊兵經理甯夏以安內附整飭鞏州以遏外侵當務之急莫先於此今河套卽周朔方唐張仁愿築三受降城置烽堠突厥不敢踰山牧馬宜增築邊防延綏至橫城三百里設墩臺九百座剷削險崖峻阜連接甯夏東路花馬池帝可其議發帑築牆劉瑾憾一清不附已遂引疾歸世宗卽位廷臣交薦以兵部尙書總制三邊一清三爲總制每至部曲皆踴躍旌旗壁壘色爲一新召爲吏部尙書晉左柱國華蓋殿大學士卒贈太保諡文襄

孟 準山西遼州人宏治閒分任河南道明於治體剛斷有爲

郭 紳江西宜春人宏治中任甘肅巡撫廉幹有文詞纂甘肅志

王雲鳳字應韶以禮部主事提督甘肅學政宏治十四年在洮岷

道清儉持躬邃於理學增修墩臺製火器挑壕塹募勇敢之士躬督練習蕃夷畏懾地方安堵

胡 經山東歷城進士正德元年兵備西甯時劉瑾專政亂常盡革天下兵備憲臣惟固獨留經雖調固原而尋亦廢五年瑾誅廢者盡起經復補西甯募姦救弊燭照靡遺舊貫新條燦然備舉勦攘寇敵屢有奇功

王 寅直隸容城人正德初攝環慶兵備廉介嚴肅守法不撓人咸稱爲玉潔冰清

張 檄山西代州人正德時兵備環慶識明量宏練達國是復強記過人凡一接於目者其姓名終身不忘在慶三年人咸頌之路 迎山東汶上進士正德閒任環慶督鹽兵備豁達大度綱紀嚴明時值大荒盜起以重法懲之四境賴以甯謐後陞至兵部尙

甘肅新通志

卷五十六

職官志 大吏傳下 五

書

景 佐山西蒲州進士正德六年兵備固原固城井水苦鹹人病於飲與總兵趙文用商用兵力引西海水依山爲梁經西城入泮池出東門而注之渠其利甚溥民至今德之

顏頤壽湖廣人正德閒以大理寺少卿差查延慶諸務時劉瑾立法查糧各邊衛屯田欲有增益及查軍欲三丁抽一爲正軍又以官銀散給軍民每銀四錢責運邊糧一石每二分五釐責納邊草一束賦重法嚴民不堪命頤壽不肯阿徇一切以寬大處之邊民受其德澤因忤瑾意撤回百姓感恩攀送遙望車塵拜祝

張 泰直隸肅甯人正德閒任總督胡酋孛來將萬賊入寇甯夏至大壩欲決水灌境內時精騎調援他處泰募義勇三千餘以疲弱挽兵車付其子翊總攝以行至壩所與賊遇背河而營堅壁不

戰賊銳頗阻比晚朔諭眾曰吾面受家君命謂今夜賊必襲我其
突陣者慣用駝宜奮拒勿疑怖至夜半賊果來遂擊破之厥明又
詭縱牛馬於河之南澣使善水者往來河中戲罵水似不及腰賊
誤爲淺乃大驅繞吾壁而下朔令車徒截其半前驅者盡溺水中
斬獲數百追出賀蘭山外而還

叢 蘭字廷秀文登人正德間以戶部侍郎督理三邊軍饑復兼
管固靖等處軍務蘭上言靈州鹽課請照例開局招商糴糧軍士
折色三者多尅減乞選委鄰近有司散給從之

許 銘宛平進士正德中巡撫甘肅約已省費持憲貞肅時總兵
李隆貪縱每被裁抑乃喚軍爲變銘正色不動遂罹害事白隆與
惡黨皆伏誅甘人立祠祀銘

李 璋浙江景甯人正德時分巡隴右巴盜犯徽州堵禦有功寇

甘肅新通志

卷五十六

職官志 大吏傳下

六

不敢逼爲政識大體刷頽弊懲姦頑官吏畏服纂輯岷志自璋創
始

燕 忠直隸薊州人正德中以大理寺卿出按江西提學李夢陽
與巡按御史江萬實相訐事忠還奏夢陽挾制撫按宜斥從之授
環慶兵備持身嚴厲法度昭明人心肅服

許 涇成都人正德時任環慶兵備心公而恕秉憲有方

張 蘭河南洛陽人正德間任環慶兵備撫綏有方剖決無滯重
修鎮朔樓鶯池費由已出不煩民力去之日士民祖帳相望於道
陳九疇字禹學曹州人正德十一年兵備肅州值土魯蕃萬騎入
寇嘉峪關遊擊芮甯敗死城中奸回等將謀內應九疇先事覘察
悉捕戮之躬擐甲胄隨機戰守克保孤城後奸回親族赴京誣控
九疇被逮下獄時權閹用事而奸回又賄通禁闕遂落職嘉靖初

詔捕奸回誅之起九疇陝西按察使尋巡撫甘肅當地方變亂後極力鎮撫民用安輯二年親率兵援總兵武振于涼州與寇戰大捷三年土魯蕃復入寇九疇率將士禦於嘉峪關覘賊有搆虛意乃率數騎從間道疾趨甘州賊果掩至聞九疇先已入城相顧錯愕奸回等復欲爲賊應詭請禦敵不許隨按驗得實捕斬之賊計窮分掠紅水黑城等堡又尾擊敗之甘州無虞比戶祝焉

李 鉞字虔甫祥符人嘉靖元年以兵部侍郎總制陝西三邊軍務鉞長軍旅料敵多中初至固原寇入犯時援兵未集乃令大開諸營門晝夜不閉敵疑有備不敢逼乃礮擊之寇引去乘閒增築墩堡謹烽堠廣儲蓄選壯勇爲備未幾寇復深入大掠平涼涇州鉞密令諸將分伏要害過其歸路遂大捷斬獲萬計諸將入賀鉞曰敵旣失利必東犯延綏檄諸將設伏待寇寇果如延綏伏發前後擊之斬首百餘級或請以捷聞曰偶勝耳惡足爲功鎮巡奏捷

甘肅新通志

卷五十六

職官志

大吏傳下

七

璽書嘉之晉右都御史

高公韶四川內江人嘉靖初兵備環慶下車卽留心民瘼遍訪時艱政尙寬平吏民懷服時亢旱穀價涌貴公韶晝夜虔禱靈雨疊施其預防邊備疏通鹽課尤多善政一時兵食賴以富强聞母病不俟終日以行後歷陞工部侍郎

寇天敘字子惇榆次人嘉靖三年巡撫甘肅以銀的教射賞中者回賊犯山丹命將堵截斬其魁帥及餘黨三十六人西域貢獅子犀牛西狗天敘請卻之邊人愛戴進右副都御史巡撫陝西寇犯固原調度截殺有功關中饑奏蠲租稅大發銀鹽賑濟又奏罷織造內官民賴以安厯兵部右侍郎以廉故卒後至不能殮

王 憲山東東平人嘉靖五年任總制套虜千餘由花馬池侵黑

水苑遣將授方略大破之獲甲三百有奇奏設下馬關參將增築墩塘一十四座以爲總兵防秋駐師之所其他興利除弊綽有政績後加太保

唐 澤直隸歙縣進士嘉靖六年巡撫甘肅時糧儲不贍以銀易糧多被乾沒澤請開中鹽使商人輸糧於邊而於中給鹽引以償之如宣德中中茶法士用宿飽又以洪水黑城花寨平川板橋五堡實當虜衝奏設守備防守以附近屯稅委官出納勞費俱省軍民戴之擢戶部左侍郎

易 瓚直隸肅甯人嘉靖七年兵備西甯興水利飭亭障課士勸農振勵戎行拊循百姓人畏愛之在任四年遷秩去送者遮道車爲之积瓚性剛直後以忤中貴被逮尋得釋善類欣然相賀

甘肅新通志 卷五十六 官職志 大吏傳下 六

哈密數擾肅州廷議閉關絕貢已四年至是其將牙木蘭率眾求內屬沙州蕃人帖木哥等亦率眾入附蕃來寇者輒敗乃獻還哈密求通貢瓚奏乞撫納西域復定八年小王子入犯莊浪靈州瓚統兵三萬按行塞下據花馬池寇徙帳遠遁九年洮岷番人掠鞏昌討降之又置下馬關門接修邊牆一百八十餘里起甜水堡至蘭州因地形勢挑壕塹八百餘里瓚在邊戎備甚飭土魯蕃率十國奉貢西北邊經歲少烽警自是諸蕃蕩平西陲益靖甘肅軍民恐瓚去寇復至相率乞留帝嘉之優詔獎加太子太保卒贈太師謚恭襄其督三邊人以比楊一清云

劉天和字養和麻城人嘉靖初以右僉都御史督甘肅屯政請以肅州丁壯及山陝流民於近邊耕牧奏當興革者十事屯政悉舉改撫陝西請撤鎮守中官帝從之洮岷蕃回十二族不順命天和

討誅之十五年改總制三邊軍務倣前督秦紘製雙輪車練諸邊將士吉囊寇涼州莊浪屢遣將敗之復破之於蒺藜川進左都御史吉囊犯河西禦卻之進兵部尙書十八年敵犯花馬池塞斬失守指揮二人敵侵固原東出乾溝令任傑等襲其後捕斬二百餘級論功加太子少保兵部尙書年老乞休卒贈少保諡莊襄楊志學長沙人以右副都御史巡撫甯夏奏改稅糧以蘇民困創築威遠平遠靖遠三堡以遏寇路民皆德之

翟鵬撫甯衛人嘉靖七年巡撫甯夏時邊政久弛壯卒私役中官家守邊者均羸老不任兵又番休無期鵬盡清占役使得迭更野雞臺二十餘墩孤懸塞外久棄不守鵬盡復之歲大歉請於朝蠲租發帑民獲蘇息

唐龍字虞佐蘭谿人以監察御史陞陝西提學副使歷吏部左

甘肅新通志

卷五十六

官職志

大吏傳下

九

右侍郎嘉靖初陝西大饑吉囊擁眾入據河套俺答亦出沒邊徼特遷龍兵部尙書總制三邊軍務兼理賑濟龍奏行揀荒十四事時吉囊俺答悉恃套爲患龍用總兵官梁震王効等分左右夾擊破之吉囊自將入營花馬池龍督所部兵迎戰復大敗之二旬三捷屢被獎資召爲刑部尙書龍於三邊四鎮山川地勢險扼歷歷如指諸掌爲圖置座隅坐而籌之咸中機要動必有功在邊四年朝廷倚重焉

張鶴鳴字鳳舉潁川進士任臨鞏兵備持廉秉直去大憝捕大盜有方略綢繆邊備中外輯和知人善任甄拔武胄袁勳李承先皆爲名將官至總督告老居家寇陷潁殉節

張文魁字元甫河南蘭陽人嘉靖時巡撫甯夏添置平遠迤北黃河戰船用扼敵人潛渡劫掠之患旣去人懷思之

楊守禮字秉節蒲州人嘉靖初巡撫甯夏寇犯固原敗之以功陞兵部尙書總督三邊軍務凡二歲最有功加太子少保

沈沂浙江平湖進士嘉靖十年兵備固原創修東嶽山行祠道路去後民不能忘

郭汝山東濟甯州進士嘉靖閒分巡洮岷性篤謹而處事精明勤求民隱貪吏猾役無所施其技體恤寒士增膏火身親課試如誨子弟以是士民咸愛戴之

白鑑山西平定州進士嘉靖時兵備隴右時承平日久民習晏安蕃夷出沒無常每掠奪爲民害鑑嚴保甲謹斥堠令肅法嚴犯者無少貸教育士子以敦品爲先期年之間風化熙然

廖逢節河南固始縣人嘉靖丙辰進士以都御史巡撫甘肅時韃靼吉囊部強盛用中國叛人趙全邱富計益習兵屢圍甘州官軍

甘肅新通志

卷五十六

官職志

大吏傳下

三

以少故不敢出擊乃議增兵逢節奏前任撫臣王翰議設中軍千總統兵止一千六百軍數不多猶易管攝繼因虜勢猖獗益以一千五百職微權輕不足以懾服羣情請改設遊擊管領官軍專聽撫臣節制詔議從之自是虜不敢輕犯

姜 諛榆林衛人嘉靖十五年以積功進都督鎮甘肅御軍以整每戰輒克先是土魯番速壇滿速兒入寇遊擊芮甯戰死城中寄住回夷謀內應諛捕誅之滿速兒怒擁兵二萬騎圍肅州而分遣部卒犯甘州時諛方西救肅中途聞警卽返兵堵截之賊知有備掠洪水黑城而去諛尾擊之斬其別酋他只丁賊乃遁去西海卜兒孩犯甘肅邀擊大敗之韃靼吉囊寇甘涼氛甚熾諸將多敗沒諛以精銳橫衝其陣斬獲無算遂大破之於是賊望風遁避二十餘年不敢再犯甘民始得安業後卒軍民感其德爲豎貞珉歷久

弗護

及宦直隸交河人嘉靖十五年兵備西甯十六年總督劉天和檄創修巴暖三川等處邊寨宦周行相度隨其險夷宜創宜葺爲圖與議上陳報可卽督工興築身歷畚杵間罔辭勞瘁閱六月告竣凡創築一十七所修葺一十八所可居可守邊民賴之其諸惠政甚多宦與易瓚皆河間人十年中先後相望人稱爲河間兩賢云

馬紀河南鈞州人嘉靖十五年任洮岷道建修書院勤於課士聽訟曲盡隱微人稱神明卒祀名宦

侯秩長垣人嘉靖十五年爲甘肅兵備副使禁軍官勿嗜夷利戶人勿結夷人一切互相借貸財物交通貨買者嚴行懲治由是諸夷守法地方清靜蕃人語曰參將周君不敢惹惹之自作要兵

甘肅新通志

卷五十六

官職志

大吏傳下

三

備侯公不敢哄哄之自作孽一時夷情懾伏至今傳之

邢雲路字士登直隸安肅進士長厚博雅識趣超越嘉靖時任臨鞏兵備副使老成靜鎮不爲僥倖之功而新疆善後事宜則殫精擘畫井然有條青羊仰華二捷斬馘百餘未嘗驕功

劉彭年四川巴縣進士嘉靖十七年分守河西舊爲名家宿學事復練達雖性稍嚴峻而不事聰察故吏民畏若神明愛如父母於士大夫尤和平坦易開心布誠無賢無愚咸歸心焉

龔輝浙江餘姚進士嘉靖十八年分守河西貌溫氣和政歸平易凡事不務苛求未嘗立赫赫之威而事無不治人以召父杜母稱之

陳儒錦衣衛進士嘉靖十八年分守河西志高才敏卓著循聲不但以文章名世

王 昺山東章邱人方嚴內敏勤勞民事嘉靖十九年兵備西甯
歲大旱昺涓滌肅將草蔬饋粥素服芒屨撤蓋行香暴日中汗髮
浹踝民皆感泣雨大注歲竟不災諸如繕城隍興灌漑躬親督視
不避勞勩歷久人猶稱之

王汝孝山東東平進士嘉靖二十二年分守河西心存和厚政尚
寬平地方不擾民物又安陞河南按察使去士民祖道供帳絡繹
相望人皆榮之

張 珩山西石州進士嘉靖二十三年任總督凡兩載增修敵臺
墩塘教民戰法大破韃靼於河西斬四百級邊功稱最被讒謫罷
後再起用任南京兵部侍郎

趙 錦直隸良鄉人嘉靖二十三年任甘肅巡撫寬厚得人心去
之日軍士遮留塞道賦訓俗太平歌爲別去後十餘年猶有道及

甘肅新通志

卷五十六

官職志

大吏傳下

三

政績而感恩泣下者

詹 榮字仁甫山海衛人嘉靖二十三年巡撫甘肅時魯迷貢使
留甘州者九十餘人總兵官楊信驅以禦敵死者十之三榮言彼
以好來而用之鋒鏑失遠人心且示中國弱詔奪信官構死者遣
之歸

謝孟金字子純河南進士嘉靖二十三年任臨鞏兵備性資渾樸
留心邊政禮士養兵聿著政績

俞 智直隸歙縣進士嘉靖二十三年分守河西持躬仁恕不屑
屑瑣務雅重人才嘗曰軍民之不治必有司之失職吾惟求賢以
贊吾治故能身不煩勞而事皆就理

王維賢四川中江進士嘉靖二十五年分守河西慶地雖接邊徼
自明以來敵未入境維賢下車卽留心邊事城池戰具悉預爲整

理要害關隘必親爲經歷時多以承平玩之次年敵眾十萬果至府城下未雨綢繆有備無患人始服其先見

紀 常字守經直隸文安進士嘉靖閒分巡隴右賦性寬厚秉憲嚴明吏畏其威民懷其德修崇義書院以培士風督兵誅叛回民得安堵政績卓犖後累官至布政使

賈應春真定進士歷官至總督在任四年獲蕃虜千餘級論功稱最加戶部尚書

王夢弼山西代州進士嘉靖時任總督蕃虜憚服後以議罷職魏謙吉直隸柏鄉進士嘉靖閒任總督蕃虜入寇邀斬四百餘級稱首功移固原守備於鎮戎以守葫蘆峽改河州守備爲參將保障一方民頌其功德

喻 時河南光州進士嘉靖閒任總督廉介自持體恤將士吉囊入寇固原遣總兵趙崧迎擊斬首五百餘獲馬駝牛羊無算虜不敢近邊上賜白金文綺以獎之後陞兵部右侍郎

李文中雲南大理衛官籍嘉靖閒分守環慶參議陞固原兵備副使小心和易涖民如家人輿情周悉凡有刑獄俱自屬稿不假吏胥以是積奸巨猾不能蔽其明而受德者眾

曾 銑字子重江都人嘉靖二十五年總督陝西三邊寇大入延慶境銑率兵數千遣將擣寇巢寇始遁捷聞資銀幣時套寇牧近塞居民不敢樵採閒以輕騎入掠銑復率諸軍驅之遠徙詔增銑俸賜銀幣有加銑感帝知遇圖所報稱念寇居河套久爲中國患上疏請復河套條八議以進欲西自定邊東至黃甫川一千五百里築邊牆禦寇請帑金數十萬銑又條上方略十八事並下廷議廷議套必不可復遣官逮銑嚴嵩令仇鸞誣銑尅饒鉅萬賂當途

法司當銑交結近侍律棄市銑長於用兵歲除夕命諸將嚴隊出行果遇寇擊敗之問何以知曰以鳥鵲非時噪也皆大服既死家無餘貲隆慶初科道訟冤贈兵部尚書諡襄愍萬曆中敕陝西建祠

楊 博字惟約蒲州人以職方郎中隨大學士翟鑾巡九邊所過山川形勢土俗好惡士卒多寡強弱皆疏記之至肅州屬蕃數百遮道邀賞鑾慮來者益眾不能給博請鑾盛輿衛集諸蕃轅門數以天子宰相至不悉眾遠迎將縛以屬吏諸蕃羅拜請罪乃稍賚其先至者餘皆懼不復來鑾還薦博可屬大事吉囊俺答歲盜邊尚書張瓚一切倚辦博帝或中夜降手詔博隨事條答悉稱旨嘉靖二十五年超拜右僉都御史巡撫甘肅大興屯利募民墾田永不征租又以暇修築肅州甘州諸處墩臺鑿龍首諸渠初罕東屬蕃避土魯蕃亂遷肅州境上時與居民戕殺博爲築金塢白城七堡名其長令率屬徙居之由是相安無事後寇入侵掠遣將敗之前後三捷進博右副都御史

李 秦河南祥符進士嘉靖二十六年分守河西智敏才捷操謹行方凡理物馭下動有規鑿不事嚴刑而吏民之奸慝者斂迹無遺至於摘發幽伏洞若神明遠邇有父母之依焉後官至左布政使

汪尚甯直隸歙縣進士嘉靖二十六年督修環慶城兼分守河西道值夏人侵寇之後閭里凋瘵正供缺額尚甯奉空文建營城堡審洞各若干所摺持區畫備歷艱辛所至問民疾苦慶人戴之弗忘

王以旂字士招江甯人官兵部尚書先是陝西總督曾銑倡議復

套業奉命集議俄旨出逮銑卽命以旂代之陞辭馳入關亟罷郡縣軍需停造器具又嚴盜馬之罰禁劫營之弊雖倉卒建牙而能推布心腹哈密熟番久留甘肅患之乃召諭諸番爲繕室授田示之生計仍約朔望族首得入關爲市諸番感喻聽命遠徙嗣後敵入山丹莊浪等處皆督師敗之奪獲諸器無算修完延慶等處城堡墩臺及蘭州邊牆二百餘里進太子太保卒於固原諸鎮軍民爲罷市贈少保諡襄敏

毛伯溫字汝厲吉水人巡撫甯夏首罷衙前標軍三百人歸營諸弁無敢以兵司自衛檢屯田沒於河者蠲其軍租夏地早寒禾黍未實而霜隕禱於神仲冬乃霜歲大熟

胡東皋餘姚人嘉靖閒巡撫甯夏以地與鄰境錯乃築牆扞之自花馬池至鎮戎經賀蘭山抵定邊營延袤二百餘里並緣牆治塹置塹堡營舍自是塞下田成得種植

范 總字平甫瀋陽衛人爲甯夏巡撫剛斷明察清查侵盜虛出糧料一十二萬餘石草五十餘萬束裁革冒功陞賞旗甲時方無事政務弛廢一朝振刷邊境肅然

呂兆熊字宗望柏鄉進士沈毅自樹而謙光可挹初由省中僉憲河南山東卓有譽望嘉靖閒督儲蘭州士民間命引領望之下車卽關防譏察胥役歛手出納無所留滯

王 義直隸文安進士嘉靖二十七年兵備甘肅安置屬番開濟渠壩邊人賴之

熊師旦富順進士嗜古負奇名重海內以提學遷臨鞏兵備風節稜稜冰明玉立文章品望遠近宗之

李世芳山西黎城進士嘉靖二十九年兵備固原居官清正矜恤

貧寡民懷其惠

范 瑟字孔和山東歷城進士有文名兼有武略嘉靖三十年兵備西甯值屬番數盜邊諸將蕙無策瑟晝夜經畫儲粟詰戎增埤明埃士氣遂振已而親提銳師潛搗礮伯冰溝番巢斬馘無算夷遁出塞復懸格賞斬虜者境內遂以肅清

宋 徵河南唐縣進士嘉靖三十年分守河西聰明不用機警不萌能使人不欺吏皆奉法一時翕然有長者之譽

蘇志皋直隸固安進士嘉靖三十一年分守河西賦性剛毅接物和煦涖政一年貪墨強梗咸爲斂迹人稱快焉

李 冕字端甫山東章邱進士嘉靖三十一年在關西道愛民育士丕著循聲

呂時中直隸清豐進士嘉靖三十二年任關西道惠政在人民爲

甘肅新通志

卷五十六

官職志 大吏傳下

三

建生祠以報其德

張 鐸南京京衛進士嘉靖三十三年分守河西鐸名重館閣以清華之選出參外藩人咸惜之愛民惠士政亦炳然

遲鳳翔字德徵山東臨朐人嘉靖三十三年任洮岷道應事明爽臨機果斷羌戎懾服遠近安謐

朱 用河南洛陽進士嘉靖三十四年分守河西繼督修環慶政務輯和士民感德吏胥至不忍欺

孟養性字存甫山東齊河人嘉靖三十五年任洮岷道氣宇冲和政務寬大岷人思之祀名宦

栗永祿山西潞安進士嘉靖三十五年分守河西雄文偉度望之凜然而中無城府坦如也下車後問民疾苦虛懷悉納甫數月弊革利興秩然就理

耿定向字在倫黃安進士嘉靖三十五年出按甘肅舉劾無私去任日行筭一肩有以石經饋者留境上而去後官戶部尚書

胡松江南滁州進士嘉靖三十八年任關西道廉明和易動洽輿情陞浙江按察使

高捷河南新鄭進士嘉靖三十九年陞關西道廉中有威吏民不敢欺

李景萃字德聚直隸任縣進士嘉靖三十九年任關西道寬而不弛剛而不虐政是以成

霍冀字堯封孝義人巡撫甯夏徧歷山川究其利害修內外諸關鎮城雉堞及遠邇堡塞各路斥堠修演武場射圃及兵車厰火器庫疏治河渠牘堰招撫流移寬賦役新學宮建書院革差遣繁擾禁吏胥需索稽狡卒影射罪積年奸慝查贖鍰以助工獎義士

甘肅新通志

卷五十六

官職志 大吏傳下

三

以厲俗威行化洽遷戶部右侍郎

汪文輝字都山婺源人以副使兵備甯夏甯夏屯田瀕河易圯無影諸田賦重督嚴丁耗役劇文輝虛心咨訪斟酌損益探本成書且予豁免於是逃者復疲者蘇民始有更生之樂又以開口歲費不貲欲易以石需銀三千兩土人難之乃慨然曰吾何愛千金及半月之勞不爲百年計遂決計行之至定鹽法決冤獄籌兵勸農通商課士皆經國長慮

石永字壽卿威縣人歷陞陝西副使駐甘州詢舊水田濬泉五十餘灌田八百餘頃居民爭復業陞右參政巡視涼州土田乃募民墾闢導泉灌溉後皆爲沃壤

戴才字子需滄州人嘉靖四十年巡撫甘肅簡兵將足儲備敵入輒創去紅柳林鎗竿嶺之捷甘鎮向未有也以其閒墾荒田興

水利建學明教百廢振舉撫甘五年遷陝西巡撫尋陞總督凡三
涖陝熟悉利弊舉劾咸當其人裴家川腴地萬頃民苦敵不得田
作才相度地形築牆建堡奏請專官營田秦隴間屹然巨鎮

王世揚字孝甫廣平人以御史按視茶馬值歲稔蠲贖銀二千金
復疏請茶課二千金賑之甘肅故以番爲蔽番與狄鬪世揚卯翼
約束烽燧頓消歲增馬四百七十四省椿朋銀五千有奇遷大理
卿閱視延緩世揚故諳九塞詭譎咸爲次第闡實馬如初市否者
閉關其大賞轉賞勒如初額無侵士儲精他所施設皆百年桑土
至計後復條十事上嘉納之下所司著爲令

王本固直隸邢臺進士嘉靖四十一年兵備西甯清廉寡欲毫髮
不苟甫下車卽革去旗甲供應湟人德之番族謀不軌者尅期撲
滅一時服其果斷

甘肅新通志

卷五十六

官職志

大吏傳下

三

王崇古字學甫蒲州人嘉靖四十三年以右僉都御史巡撫甯夏
遣將禦寇大捷招降三百餘人邊功甚著進兵部右侍郎總督三
邊二歲中敵三薄城遣大將董一奎趙奇等尋遣雷龍等出長城
二百里至白城會流賊鈔掠秦晉勢甚張崇古檄兩省兵平之進
右副都御史

李向陽四川雅州進士嘉靖四十三年督儲蘭州清嚴靜鎮加意
學校凡政有不便於民而不敢聞之憲司者輒爲微婉指陳如願
乃已

於惟一
直隸懷甯人嘉靖四十四年任洮岷道引水渠溉田民利
賴之

陳其學山東登州進士嘉靖四十五年分守河西督修環慶城堡
尋陞肅州兵備副使性情明爽政稱平允閭閻歌頌不輟

石茂華字毅庵山東益都進士隆慶元年巡撫甘肅以五壩九壩極邊衝要高臺赴援恆遠不及事又黑河泛漲更致阻隔特請設守兵比照四壩於五壩九壩等堡各添防守官軍從之茂華負文武全材精明廉正保障之績功在生民地方攸賴晉陝西三邊總督

朱 笈南直桃園人隆慶元年巡撫甯夏六年復任時甯夏屯政久弛戶口流亡者摘丁頂補所耕田或爲河崩沙壓則派攤浮糧積累日深民不堪命笈洞悉其情抗疏極言竟得豁免夏人德之龐尙鵬字少南南海進士隆慶二年以經理甘肅大臣兼領九邊屯務疏列屯政便宜甘州者七

侯東萊字儒宗山東掖縣進士隆慶二年兵備西甯修邊隘恤士卒三年思俄思哥蕃部狡掠行旅東萊督參將陳愷擊之獲其首

甘肅新通志

卷五十六

官職志 大吏傳下

三

惡於是十二族落相率來服性平易遇士以禮接下以恩扶善表飾行撫孤寒政通人和去之日民立祠祀之

吳 椿字大年江西南昌進士隆慶五年分守隴右器宇凝遠風度瀟灑馭吏愛民出於至誠惟於不肖之吏馭法之民及狼胥蠹士不少假借又加意人文啟迪多士如子弟在任四年旣去遠近思之

趙克懷字德仲四川巴縣進士隆慶五年任臨鞏兵備沈毅嚴明檄下邊徼每以安靜爲本清操懍懍貪墨斂跡陞湖廣巡撫竟罹楚宗之禍

蕭文奎陝西延安人隆慶六年以叅將分守西甯負材略敢任事馭下有恩威甫涖任卽與副使董汝漢繕治城革輒腹土無罅不堅其諸塞垣次第增創蕃部却爾加眾不滿萬而暴悍特甚居民

苦之文奎率奇兵擣其巢斬其大豪十餘人餘遁海上後復歸降羅鳳翔蒲州人萬厯元年巡撫甯夏修城池通關梁恤民隱蘇商困又以國初舊制邊兵入衛原備非常近際昇平往返更換勞費多端奏請停止夏人立生祠頌德

田樂任邠人萬厯初涼永兵備鄭洛既還朝永寇劫掠蕃人與其黨潛居海上計圖復逞乃命樂巡撫甘肅樂選將治戎會諸將議方略樂曰青近窺甘泉永逼穴湟中首尾牽制我兵青恃強無備今出不意勢必克青既克而永可擒也遂潛師擣青青酋單騎走於是爲三伏待永密與西甯道劉敏寬授計參將達雲分布既定永謂九月九日漢兒遊賞必不設備乃帥眾佯呼求款伏其干餘騎於後欲俟既合而發達雲率精甲短兵直接鎮海遊擊合諸蕃殲其後蕃兵刺卜爾擊其左隆卜申中擊其右永死於蕃兵者

甘肅新通志

卷五十六

官職志

大吏傳下

三

無算餘落皆夜徙海西羊牛家帳多爲蕃獲諸蕃被劫者相率而歸樂曰永雖創火獨完真相納刺等全部猶盛非諸將所能辦也自率中堅所過簡其精銳晨夜赴西甯而納刺卜囊在前真相火後繼連絡數十里已攻刺卜爾寨樂曰賊以忿來本欲致死於我而先圖孤蕃誘我也乃閒語刺卜曰若能堅守十日我必破賊刺卜急遂合於賊諸將譴焉樂曰刺卜非心背我者也已約彼給賊賊氣銳必直前薄我我攻其外刺卜應於內破之必矣乃合諸軍營於康纏溝賊方圍堡矢下如雨達雲等更代以應之自辰至申永先傷環壘忿甚以驍悍犯西甯兵終不能入樂度其將走乃令閒道設伏親與劉敏寬按中道諭刺卜爾收精壯截擊永遂逸真相火飾之驍勇兩捷殲之殆盡又闕兵邊疆修築阿壩松山平城等堡設將弁以防邊境乃甯敘功封松山伯

李維禎號翼軒湖廣京山進士萬曆初分守隴右務修實政不事虛文凡利益生民者無分巨細必期於成涖任僅三旬去後父老猶樂道之

劉伯燮號小鶴孝感進士萬曆三年分守隴右裁陋規以率屬省公費以利民末期月政治釐然改觀尤加意人才選俊士親爲謀試寒暑不輟凡城郭壕塹樓櫓器具之積廢者整飭一新其嫉惡尤嚴一時墨吏大猾望風斂迹種種實舉閭屬受福

董汝漢山西萬全進士萬曆七年兵備西甯清介有猷略開墾荒田數百頃招撫流移百千餘家於各堡創立社學擇秀出者訓之夷風爲之不變順義王俺答將東歸尙稽固未發汝漢撫以婉言感服卽去其後去任湟人攀轅遮留如失慈母數十年猶追思不置

甘肅新通志

卷五十六

官職志

大吏傳下

三

王 璇字曰衡號竹溪河南太康人隆慶戊辰進士雄才偉度負匡濟略司給諫獄立青瑣宣威德倚重長城累擢都御史撫甘肅屯科徵輸有策邊方戴之再巡陝西會陝告歉璇借漕糧分贍孟津由舟接濟山陝河南全活數萬又請延慶二郡開墾荒田爲軍民永利訂謨遠猷麟麟不朽致政居林下多修建好吟詠樂襄義舉年八十二終賜祭葬恩蔭

暴孟奇字純甫屯留人萬曆七年兵備臨鞏剛直練達而政多仁慈蘭大猾十餘人冒饗金巨萬事發誣連百餘人孟奇置首惡於法察其實無措者出二千金代償概釋之

萬世德山西偏關進士萬曆十四年兵備西甯時松夷入掠燕麥川蕃部再犯北川羌戎交結爲邊氓害世德皆禦走之詔遣兵部尙書鄭洛經略西海洛納世德言收復蕃族以孤夷勢遂上議焚

仰華寺絕俺答盤踞之謀淫祠既毀振旅而還邊人稱快焉
楊時甯河南祥符進士萬曆十八年兵備固原操守清廉政績稱
最

鄭 洛字禹秀安肅人兵部尙書萬曆十八年經略陝西延甯甘
肅邊務諸蕃往來卒取道甘肅俺答迎佛建寺於青海奏賜名仰
華其別部擄力克闌入西甯殺副總兵李奎進圍舊洮州副總兵
李聯芳敗沒入臨洮河州總兵劉承嗣失利諸將多死詔洛經略
七鎮洛至甘肅復入西甯控扼青海擄力克恐還所掠人口輸罪
請歸洛陳收番有大利會擄力克北歸乞復貢市於是招撫其族
部五萬八千餘口築堡安插自是番依中國爲屏蔽我藉番人爲
耳目分撥隘口哨探敵情每得預聞復議禁借路以伐奸謀焚夷
寺以絕禍本養士秣馬儲糧治器又多方以散其黨後李汝田樂
甘肅新通志

卷五十六

官職志

大吏傳下

三

收兩川之功皆本洛謀加少保仍召理戎政

魏學曾字惟貫涇陽人萬曆十九年起兵部尙書兼右副都御史
總督三邊晉太子少保學曾立朝敷政直亮清正有古大臣風以
陝人制陝蓋異數也二十年哮劉叛據甯夏負固堅城賄結套虜
欲斷河西併關中朝野震驚學曾自固原聞變亟遣將先據靈州
扼其險要自駐花馬池以身當虜督率將士不數日收復四十七
城堡在事三時賊滅城全皆本其謀爲萋菲所中以去廷臣交頌
其功公論不泯卒諡恭襄

李如松字子茂萬曆二十年哮拜反甯夏御史梅國楨薦如松大
將才乃命如松提督陝西軍務以國楨監之武臣有提督自如松
始先是董奎麻貴等數攻城不下如松至攻益力不克乃決策水
攻拜窘遣使往句套寇如松令部將追斬之已而套寇以萬餘騎

至張亮堡如松力戰手斬士卒畏縮者寇敗去水浸北關城崩如松及蕭如薰等佯擊北關誘賊潛以銳師襲南關攀梯而上拜及子承恩自斬賊遂平捷奏擢如松都督

葉夢熊字男兆歸善進士萬曆二十年巡撫甘肅旋總督三邊軍務會總督魏學會討時拜於甯夏學會被論夢熊代之事平以功進右都御史明年進太子太保兵部尙書

王聘賢字汝彌雲南通海舉人萬曆閒督儲於蘭時洮隴歲饑聘賢設法運糧寬宿逋賑窮民修水車施藥餌躬親經畫民賴安堵尤加意學校風化大行

郭宗賢號養虛直隸邯鄲舉人萬曆閒兵備臨鞏時火酋跳梁直犯臨河內地賢統兵至和政驛親冒矢石迎擊之斬賊首十二級中礮死者甚眾復令遊擊孟孝臣潛師馳至臨洮護守郡邑均得

甘肅新通志

卷五十六

官職志 大吏傳下

三

無虞

荊州俊字章甫山西猗氏進士萬曆時兵備臨鞏風裁慄慄墨吏解纜平定松山搜勦火酋招降部落績勞甚著建設城堡整飭戎行凡所籌畫可垂永久將吏無敢以虛文應者稅璫趙欽妄報遺花山等地產銀礦歲派合縣里甲包納五千有奇俊極力請蠲獲減四之三民甚感德有詐稱錦衣千戶私抽木稅者立置諸法又屬同知唐懋德纂修府志洮陽文獻賴以不墜

杜 詩山東濟南進士萬曆時兵備莊浪嘗曰益人學識非典籍何從遂捐貲購書四千餘卷貯於學宮兵燹而後賴此培植士風以振

董 某失其名任甘肅巡撫加惠貧生萬曆閒爲儒學設置膏火營學田六百餘畝至今士子猶受其惠

吉 人山西長治進士萬歷時任甘肅巡按以爲士子誦詩讀書必亮采鴻文羽儀一代國家以優次初三等取士別無優卹無以激厲士氣因具題設廩於優等中拔補次初改爲增附遂爲例

張 銓字宇衡山西泌水人萬歷中巡視陝西茶馬會屬番肆掠苑馬之計籌邊造士卓有善政繩奸斥佞直聲振天下後殉難諡忠烈

張九德字咸仲慈谿人以按察副使爲河東兵備時遼左多調邊兵方遣行悍丁金白張威等殺領兵官焚掠而前德至固原聞變星馳進大書前導曰戍士遠役誠可念卽有所需何不以請而輕犯國憲幸吾未受事可開一面如悔罪速投戈以明無叛志眾環跪叩頭請死哭聲振山谷德慰遣歸營密擒渠魁置之法甯鎮以

甘肅新通志

卷五十六

官職志

大吏傳下

三

安時熊廷弼得便宜調發有僞充經略使者勒取馬價甚倨曰道遠恐廢折價至近關買馬爲便德命揀故牒印文小異遂伏罪復創設商學傾商賈子弟肄業靈州瀕河多河患歲費數千金天啟二年河大決居民議他徙德相度水勢建石隄歲省工役無算秦家渠常苦涸漢白渠常苦漲三農失業德築長澗以護秦別開蘆口以洩漢計疏渠道三十里復蕪田數百頃歲額增數千石時號張公隄爲政先事綢繆臨機制變聲色不動而指揮若神履任六年以卓異擢巡撫都御史去先是靈州有祠祀楊一清王瓊及九德去任鎮人思其功貌其像而三之更其額曰三賢

崔景榮字自強長垣人萬歷閒巡撫甯夏銀定素驕歲入掠景榮力戰破之因議革導賊諸部賞諸部懼請與銀定絕銀定旣失導亦叩關求市甯夏歲市費不貲景榮議省之在任三年僅一市而

已其後延鎮吉能等挾款求補市卒勿許歲省金錢十餘萬

李汶字次谿直隸任邱進士清廉自守素有文名萬曆閒任總督會寇擾南川遣兵討之大勝獲其酋把都兒恰與兵備使劉敏寬議撫番策番以氈皮羊毛易我米穀民利賴之陞兵部尙書

劉敏寬山西安邑進士萬曆二十三年兵備西甯才猷揮霍慨然以安內攘外爲己在時海夷互刺他人囊寇南川敏寬督參將達雲禦於捫爾朵大破之斬首六百餘置戰車修兵器設鐵廠開鐵礦行鄉約保甲法立兵備道題名碑復命達雲進剿敗賊於康纏溝招撫回番族甚眾內政嶄然外寇屏息以功遷延綏巡撫

王任字仁卿潼川進士萬曆時分守隴右著有政績後巡撫江淮

董定策河南洛陽人萬曆時任巡按加惠貧生設置各屬學田士

甘肅新通志

卷五十六

官職志

大吏傳下

三

子感德歷久不忘

袁宏德直隸曲周人萬曆三十一年任洮岷道下車之始以制番爲急務時六忍力節梗化討之伏其辜收降番二千餘人人民安堵又修理學宮建尊經閣以興文教

王家楨直隸長垣人萬曆中進士天啟閒任甘肅巡撫破松山諸部有功擢戶部侍郎

徐雲達直隸遷安進士萬曆三十三年兵備固原在官四載重土恤貧去後民思陞按察使

徐三畏直隸任邱進士萬曆三十四年任總督整頓吏治廬念民瘼以功加少保

黃嘉善山東卽墨進士萬曆三十九年任總督創修學宮培植學校禦寇屢捷回番翕服在邊十五年事功卓茂加太保

劉尙樸河南信陽進士萬曆三十九年兵備固原捐廉補修學宮
籌畫邊防恩威交孚尤善於治盜人稱頌之

董國光山東滕縣進士萬曆四十一年兵備固原振興學校捐廉
修理學宮與總督劉敏寬分輯州志政績足徵文獻賴以常存
畢自嚴字景曾山東淄川進士萬曆四十三年任洮岷道時邊方
多警民苦蹂躪自嚴謂番族吾藩籬也藩籬不固奚禦寇乃躬歷
四境輿不能涉徒步從之視有罅隙卽爲補理凡軍饟器械罔不
周備敵不敢窺伺乃設義倉立社學恤商勸農善政畢舉不三年
而化成會榆塞有急陞任二階使飭兵以防士民如失慈母留之
不得乃建祠勒石以誌佩德

李若星字紫垣息縣人天啟二年巡撫甘肅擊河套松山諸部有
功

甘肅新通志

卷五十六

官職志 大吏傳下

三

梁 許字帶川河南孟津進士官靖虜衛兵糧道重修城垣學宮
豐年糴粟五萬餘石後壬午歲饑賴以全活者數萬人

劉廣生河南羅山進士天啟閒分守河西清正嚴肅無所阿附嘗
巡歷環邑邑署院有古樹題句云獨高梧幹偏憐鳳肯長榆錢却
媚人直指見之謂二語可覘品概特列薦章後歷遷陝西巡撫議
討延慶回賊命將三道進兵大破之陞戶部尙書

邢 玠山東益都進士官靖虜衛兵糧道優恤軍屬風裁峻厲壬
午饑開倉賑濟全活數萬人晉山西副使去衛人繪像奉之

王 亮浙江臨海進士官靖虜衛兵糧道關邊有防守官餽金立
斥之衛屬七里口灘每遇冰結虜入住牧亮遣百戶吳廷相諭之
卽去豐年儲粟三萬餘石修置戰備宣布恩威夷虜接踵歸附

梅之煥字彬文麻城進士崇禎元年巡撫甘肅踰年春寇大入患

豌豆瘡環大黃山而病諸將請掩之之煥不可曰幸災不仁乘危不武不如舍之因以爲德焉遂不戰踰日羣賊望邊城涕泣稽顙而去京師戒嚴詔之煥入衛且行西部乘虛犯河西遣兵邀伏歸路再戰敗之斬首八百四十有奇引軍東適悍卒王進才殺叅將孫懷忠等以叛走蘭州之煥復西定其變乃引軍入衛

陳奇瑜字玉軒山西保德人崇禎初任總督並經略山西河南湖廣軍務專討流賊屢著戰功旋被逮以洪承疇代之

張兆曾雲南昆明舉人崇禎六年分守隴右七年七月流寇由漢南攻秦州兆曾募兵不滿三百馳援之賊遁去陡破秦安知縣朱瑄斃死之復謀襲伏羌兆曾知之卽率兵赴救冒雪突至誓眾死守次日賊果蝟集城下兆曾親督戰殺賊甚眾賊乃去復糾合羣賊數十萬圍城五晝夜多方固守城賴以全賊畏威稱爲張鷄子

甘肅新通志

卷五十六

官職志 大吏傳下

三

進援甯遠賊望風而遁以積勞致疾卒伏人哭聲震野爲之罷市鄭崇儉山西鄉甯人崇禎九年巡撫甯夏練達治體恩威並用清出虛懸糧草數萬奏請豁免秋防三次擒斬六王前後獲虜首三百級進秩蔭子十二年陞總督去後夏人建祠祀之

王章字漢臣武進進士崇禎十二年按甘肅扶風紀飭邊防有能聲後巡視京營罵賊死

呂大器字儼若遂甯進士崇禎十四年巡撫甘肅到官劾總兵柴時華不職遣副將王世寵代之時華嗾西部及土魯番爲變大器命世寵討誅之後福王立以吏部左侍郎劾馬士英阮大鍼永明王監國進少傅卒諡文肅

傅宗龍雲南人兩拜薊鎮督師爲政綱紀分明賞罰信決晉大司馬轉授三秦總督出關剿賊大戰於河南寶豐力竭而死

曹文詔大同人以戰功擢陝西臨洮總兵掃靖邊氛平可天飛殄鐵角城崇禎閒流寇高迎祥張獻忠等率眾數十萬破隴扶鳳翔屬縣文詔同孫守法協力擊破之生擒高迎祥獻俘京師會秦賊復熾慶甯告急文詔孤軍赴之遇賊和尚原賊驅民荷戈而鬪復內鐵衣雜農樵文詔不忍概誅令稍開一面使之逃避鐵衣農樵突起圍文詔文詔矢盡援兵不至大呼格殺百餘寇而死天下惜之今原上勒有曹大將軍戰死處碑

孫傳庭字伯雅代州人初代洪承疇爲陝西巡撫擒高迎祥送京伏誅後以讒被逮繫及陝西總督汪喬年軍潰死節帝釋傳庭命在代力主固守潼關控扼上游益募壯士繕器積粟置火車三萬輛俟賊閒擊之是時十三家七十二營諸大賊降死殆盡適京師戒嚴屢詔趣之傳庭不得已率師東出至郿縣自成以萬騎迎戰

甘肅新通志

卷五十六

職官志

大吏傳下

三

大敗幾獲之會天大雨道滯賊要截我兵糧道傳庭還擊之賊陣五重官軍克其三已而稍卻賊縱鐵騎踐之遂大敗傳庭退守潼關城陷猶躍馬揮刀大呼格殺數十人力竭而死自是賊降甯夏屠慶陽攻蘭州陷西甯甘肅而三邊俱沒矣

陸夢龍會稽人崇禎初年分守固原援靖甯州所將止三百人賊大至圍之數重夢龍大呼奮擊之手馘數人力竭殉節

黃 綱河南光州人崇禎十五年任洮岷道愛士恤民撫番禦寇著有實政擢甘肅廉訪使闖賊破城死之祀名宦

林日瑞字浴元福建詔安人崇禎十五年巡撫甘肅明年李自成黨賀錦進逼甘肅日瑞急結西羌嚴兵扼諸河天寒甚賊竟踏冰過直抵甘州城下日瑞入城戰且守大雪深丈許樹盡介角幹折手足戰瘰守者多怨奸人爲內應城陷被執誘以官不從賊怒礮

之屠甘州居民四萬七千餘人

段復興字仲方山東陽穀進士崇禎十五年分守河西道駐慶陽時闖賊入關郡縣多殘破甯固諸鎮城亦失守賊傳檄至慶復興怒裂之卽繕器械集眾保守賊圍之數重發礮石殺賊盈壕賊忿甚攻愈急城遂陷復興與其母及妻妾子女婢僕十餘人赴火死後知府楊天寵卽殉節處立祠祀之

國朝孟喬芳號心亭奉天人順治二年總督陝西軍務節制文武安撫地方陝西三邊四鎮八府文武官民俱就招撫三秦士民帖然安堵剿除逆賊賀錦胡向宸孫守法馬德等招降餘寇平定漢中興安州郡五年逆回米刺印等反攻陷河蘭臨洮等州縣進至鞏昌喬芳督兵討擒之恢復所失城逆回丁國棟叛據肅州喬芳遣將平之誅逆撫順民賴以甦大小數百戰皆躬自督陣尤知人善任

甘肅新通志

卷五十六

職官志 大吏傳下

三

所用將佐如張勇趙良棟等皆奮勇敢戰故所向成功又蠲豁荒糧招撫流移清釐驛弊裁革冗役復請令守兵屯田積粟以規取全蜀由是糧饟不增而士馬騰飽鎮全秦十年兵民感戴以老乞休加少保兼太子太保卒謚忠毅民爲立祠以祀

沈如顯河南河內進士順治二年任河西道時逆闖之餘空城瓦礫市無居民賊之渠魁多竄據城寨如顯招徠撫輯民漸歸里復請兵駐防激勸將士剿除賊帥三十三人脅從皆散閭巷安堵暇與諸生賦詩論文有緩帶投壺之風

蔣三捷奉天人順治二年任西甯兵備副使當流寇番戎肆掠之後民困未蘇三捷躬率屬吏修守備撫流亡省差徭薄稅斂百廢聿興及遷去兵民豎碑以志不忘

黃圖安字四維奉天人順治初巡撫甯夏時邊土荒殘兵民困弊

圖安撫綏鎮定與民休息釐剔前明弊政奏請清卒伍核糧饒實倉儲整驛遞減茶課修河渠更屯卒一徵稅敷陳剴切多見施行又請蠲除靈州石溝等堡加派銀兩人懷其惠公餘以文翰自娛所歷勝地多經題詠

李嘉彥直隸曲周進士順治初任河西道處心坦易行止動合古人日進諸生課其文藝六年未嘗稍懈兵燹子遺咸知絃誦嘉彥之功也尋陞廉使去老稚攀轅焚香拜送綿延百里

劉秉政奉天人順治三年任甯夏巡撫留心民瘼尤加意渠務嘗躬督疏濬風沙寒暑未嘗少輟以甯夏軍饑仰給他郡議折色輸銀秉政力陳其害遂得寢撫甯八年公清寬惠吏肅民安後以裁併巡撫去民爲建祠勒碑

馮如京字修隱山西代州人順治四年任西甯兵備副使會逆回

甘肅新通志

卷五十六

職官志 大吏傳下

罕

米刺印丁國棟作亂擁眾大通河岸冀以威脅如京聞之卽率將校馳赴扼其險要以騎兵橫擊敗之他如修學宮治輿梁凡所經畫悉有益生民民礪石以紀其功

李絮飛遼東人順治四年在臨鞏道未兩月逆回米刺印叛殉節死

張勇字非熊咸甯人順治五年從總督孟喬芳征河西叛回身先士卒敢戰先登恢復鞏昌臨洮蘭州涼州甘肅城堡數百餘處斬僞王土倫太生擒賊首丁國棟等前後斬級二萬有奇擢肅州總兵逆回定後城郭廟宇俱被殘燬勇捐貲補修各處墩臺隘口凡羌番出沒之所悉築牆設柵控扼防守夷人不敢犯境城南黑水過峽處屢遭水患捐貲數千鑿石築隄民田獲稔滇逆變叛全陝震動勇上疏乞自効遂統兵援剿至靖邊驛賊遣人投密書立

斬之刻期渡河復蘭州遂底定全陝晉靖逆將軍一等侯在邊三十餘年軍民感戴卒謚襄壯

孫啟賢河南安陽進士順治七年任西甯兵備叅議以地瘠民貧蠲冗費禁苛取延見諸生考德問業撫畜士卒得其歡心政績煥然一時稱最

陳倬江都進士順治中遷臨洮兵備副使重文教崇祀典凡文廟祭器俱依制補造燦然大備他若恤郵驛革溢額美政甚多後陞江南按察使

于明寶字賡梅金壇進士順治七年兵備臨鞏簡屯弊飭盜防悍將豪丁聞風股栗卒於任民甚哀之

馮士標北海人順治七年由進士歷陞莊浪兵備道時甫糶米丁之變方下車卽召父老問民疾苦嚴保甲靖萑苻撫綏安養更稽

甘肅新通志

卷五十六

職官志

大吏傳下

望

其勤惰而賞罰之常易服入村落視無耕具者助之親喪不能自治者贖之捐俸以修學宮建橋梁而資利涉不兩載居者有積行者無虞其厚德清操始終不懈

李永昌遼東甯遠衛歲貢順治八年任隴右道捐金修甯遠儒學及南關甯民建祠以祀

宋琬字玉叔山東萊陽人順治初進士以詩名天下由戶部郎中出巡鞏秦階道十一年六月地大震城垣官署民房崩圯十九斃男女萬餘口琬盡力撫綏以十二事申請督撫捐俸重建州城不足復出家貲助工費朝議嘉之比遷去民爲建生祠刻石留像祀之

張文炳直隸滄州進士順治十二年任河西道秉性清簡政尙嚴肅民有訟多平反暇以焚香讀書自娛

毛一麟三韓人順治十三年兵備臨鞏老成持重百務肅清甫一載轉登萊道

王天鑑萬全進士順治十三年任河西道明敏毅直有古大臣風率屬撫民不事虛飾惟以清正相先營伍整肅甯數月上疏致任至再始允人服其勇退

萬全遼東瀋陽人順治十三年爲靖遠兵糧道值歲旱徒步禱雨民鬻子女田產者出俸贖之開倉賑饑躬親巡省貪污畏威豪強斂迹善政縷縷淪民肌髓卒祀名宦

張元璘遼東遼陽人順治十四年在河西道坦易居心政惟簡靜務與民休息有犯法者委曲求生一時多蒙矜恤尤復潔清率屬杜絕苞苴甚爲士夫所重

祁彥三韓人順治十四年兵備臨鞏政尙寬和務以無事爲民

甘肅新通志

卷五十六

職官志

大吏傳下

聖

社福然正官屬治兵饜莫不嚴立大體每事必曰甯弗便於官毋弗便於民蓋古之遺愛也擢浙江按察使

孫思克字復齋鑲白旗人康熙元年任甘肅總兵四年移駐涼州剔蠹蝕汰冗卒簡將材核儲饜勵精振刷將士精強駐涼二十年戢兵安民民不知有兵吳逆叛隴右諸郡皆陷思克提兵進討收復郡縣師行之處秋毫無犯民皆安堵二十三年提督甘肅噶爾丹逆命率大軍出塞討平之拜振武將軍鎮守河西幾四十年恩威所被兵民感頌立有生祠卒 贈太子太保謚襄武

袁州佐字秋水山東濟甯人康熙二年由陝西按察使分巡甘山道抵任卽留心民瘼尤重文治教化歲大旱躬親虔禱屢致甘霖後卒民思之合祀龍王廟

劉斗字耀徽奉天人康熙五年巡撫甘肅旋自甘移駐蘭州爲

政嚴肅恩威並用請豁全省新舊荒糧明季礦稅狄道尙歲徵千餘金疏請蠲免民困以蘇又修學宮崇廟祀文教聿興士庶仰戴
陞福建總督

孫際昌字燕克直隸河間進士康熙七年兵備臨鞏兵饑驛鹽整飭裕如博學知要崇文愛士嚴斥匪類力砥廉恥每謂治道以風俗爲本土習以德行爲先諄諄教戒士民悉遵其訓

樂元魁奉天人康熙九年任西甯兵備副使廉平公正勤以治事洞悉羌戎性情御以恩威咸輸寫心腹牛羊滿野邊陲晏然民設木主以祀

王思治字靖宇奉天瀋陽人康熙十年兵備臨鞏性廉明果毅案無宿塵訟令自拘不煩批擾剖斷如神雪冤甚眾

黎士宏字愧曾福建長汀人康熙十三年擢洮岷兵備副使旋署

甘肅新通志

卷五十六

職官志

大吏傳下

聖

甘山道時王輔臣叛諸鎮會勦及復蘭州攝臬篆分別失守官吏罪號爲平允會甯夏營弁謀逆戕提督改授甯夏道佐提督張勇申嚴守禦綏靖反側又密請免衛所逋糧七萬五千石寇平陞右參政

圖 海滿洲人康熙十三年貝勒洞鄂攻叛將王輔臣於平涼未克 命海爲撫遠大將軍總轄陝西全省貝勒以下咸聽節制至平涼明賞罰申約束軍威大振諸將請攻城海曰仁義之師先招懷而後征伐吾奉 天威討凶豎無慮不克顧念城中數十萬生靈皆 朝廷赤子遭賊劫掠覆巢之下殺戮必多須俟其向化歸誠乃可軍民間者皆感泣思自拔賊勢由是日蹙旋進兵奪虎山墩俯視城中發巨礮擊之賊恟懼輔臣乃乞降時涼郡遭賊荼毒尤甚海撫綏安輯民樂更生建祠勒銘以誌感佩

吳 丹滿洲人康熙十三年同大將軍圖海討王輔臣贊襄軍務
悉合機宜號令整嚴兵臨之地市不易肆與士卒同甘苦恩威並
用人懷敵愾時平涼雖下逆黨猶未盡除丹數騎入城宣布 威
德開誠撫慰人皆傾心向化賴以安全

胡悉甯字海若臨清人康熙十六年分巡甘山道潔已愛民力清
宿弊革行戶懲衙蠹屬吏兢兢奉法莫敢行其私又廉知奸胥渠
甲催科中飽下賧民膏上虧公課設法輯治奸弊遂絕有去思碑
葉映榴字炳霞江蘇上海人康熙十八年任陝西提學道衡鑑公
明一時人文蔚起陞湖廣督糧道值標兵夏包子亂殉節有遺疏
上覽之悼甚贈工部侍郎諡忠節入祀昭忠祠論者謂其絕命
疏與富平李天生陳情表爲 國朝兩大文字皆足令讀者油然而
生忠孝之心焉

甘肅新通志

卷五十六

職官志

大吏傳下

四

巴 錫字永公滿洲人康熙十八年任甘肅巡撫時兵燹後輯甯
懷保不期月而効成正身率下潔已無私絲粒之入 平價興
利剔弊惟恐不及事之爲民病者榜於通衢永杜其 便於民
者奏請力行務使實受其福加意學校培養士氣恤商裕民營屋
戢兵歲早步禱煮粥濟貧政成報最 宸翰賜清慎勤三字二十
三年陞戶部右侍郎關中檢討李因篤撰德政碑記
索爾孫蒙古正白旗人康熙十八年任甘肅按察使決獄惟明行
慈於斷公正清廉士民悅服

葉穆濟字茂公滿洲人康熙二十二年由本省按察 特簡巡撫
寬平慈惠愛民恤兵革行戶支應除地租派累大修城池工用充
裕肅綱振紀懷德者亦畏威焉

郭景昌字瑞旭奉天瀋陽貢生康熙二十二年任臨洮道淡泊視

躬公平飭法事無巨細剖決如流其關於倫紀風化者加意敦修務求實效作養子衿時勤講課清釐鹽政矜恤驛傳痛革行役勸息詞訟士習民風因之丕變

色楞格字調鼎滿洲廕生康熙二十五年任甘肅布政使秉心敬慎百務自裁釐剔精嚴吏皆畏法冰檠自矢禁加火耗慎出邊饌時以愛民恤卒勉勵庶司

何 傅福建福清人康熙二十五年授固原提督在任七年謀勇兼備嘗登東嶽山以嶺路崎嶇民艱跋涉與知州吳秀芳慨然捐廉開鑿平坦行者無傾墜之患餘如葺城垣嚴塘汛迄今固人猶追念遺功

丹達禮滿洲人康熙二十七年兵備甯夏時大兵駐防在城民心惶惑達禮多方慰諭更詳督撫割城一隅安置大兵勿與民雜處嚴立教條以免滋累其後大兵駐甯者六悉如舊制兵民相安皆達禮之力也又兵馬雲集需草甚多達禮親督人夫採於湖灘不事科斂公費既省而軍馬亦給其他督濬渠工修理 文廟皆著善政去二三十年後民猶思之

高龍光字紫虹福建進士康熙二十八年任涼州道持身嚴厲察民瘼省風俗以救弊補過興利除害爲任朞月之間風行俗化遇大饑發粟賑濟籌畫調停輓運不煩公私甯謐以除文卒於涼署莊民罷市而哭元日不賀

劉殿衡字玉伯鑲白旗人康熙二十九年任西甯兵備參政西甯設鎮之後兵馬增多糧草供支浩繁民有預徵之苦卒多庚癸之呼殿衡力請糧草供於秋後輸納留爲來年支用遂爲章程三十年有道士謀逆者合鎮騷然殿衡擒首惡誅之脅從罔治全活無

數三十二年甘肅用兵檄河西各衛輓運糗糒殿衡陳其不便獨蒙免運在任十年惠政著聞超遷江蘇藩司晉湖廣巡撫吏民思德立祠祀之

朱 軾字可亭江西高安人康熙閒提督陝甘學政表章橫渠之學以禮教變化氣質關中正學大明故事歲試報部科有冊費軾不名一錢以冊發郵遞部科吏怒不收尋劾軾造冊遲 廷議降二級調用時科試尙餘二郡未按臨代者已至會鄉試將入闈秦士七千餘人具公揭請監臨巡撫疏留遣之堅跪不起語益譁乃徐給曰俟出闈乃可入告比撤棘寢不復奏會 上聞其事問尙書張廷樞廷樞以公明廉謹對於是 詔軾畢試後歷陞兵部尙書遷大學士卒 贈太傅謚文端入祀賢良祠

甘肅新通志

卷五十六

職官志

大吏傳下

吳

兵甯夏古用武地兵健勁而亦易犯上化行至嚴職守申軍令鋤其驕蹇拔其才俊更定部曲爲分合法以練士士皆可用製子母礮簡駝馬儲芻粟以待徵發三十五年隨大將軍費揚古出口征勦至昭磨多力排眾議據西山形勝俄噶爾丹親督隊以死力爭化行率所部發子母礮蜂擁而下刀矛並舉呼聲震天地賊前隊禦我者如壁倒山崩遂大奔潰乘月光追逐三十里擒斬萬餘論功充參贊大臣明年復出口勦誅噶爾丹降其餘眾加授都督同知

武廷适康熙閒任涼莊道雅重斯文捐貲創立成章書院課士必親臨校試其他修葺 文廟整飭水利多著勤勞歷陞廣東布政司

何廷圭字觀皇浙江人康熙閒任涼莊道矢志冰清率屬風厲辦

理軍需經畫有方捐貲市民田建行署營房四千餘間其他詳誌
開捐積儲歲額草束以免豫徵籌謀經費鄉試不虞資斧士子感
德泣任數載頌聲載道

龔 嶸字澹巖閩縣人康熙三十九年以陝西按察使分巡甘山
道和易有斷制凡過往京差及一切供支取貲於民者悉裁之兵
燹後地丁未盡復者悉派各實徵額內而紳衿民役又徃徃恃符
抗糧爲徵收胥役累嶸察其弊悉禁絕爲設法釐剔之民困以蘇
至勸學造士如蜀文翁士民感戴爲立生祠

齊世武滿洲人康熙四十年巡撫甘肅綱紀嚴明勤求民瘼採生
員救時之議除派夫巡更之役釐包攬納糧之奸剔陳茶變價之
弊清查蘭衛屯地匿糧四萬餘石並河北新疆奸民隱占田地八
百里按畝起科以爲荒政之備善政甚多去後士民立祠祀之

甘肅新通志

卷五十六

職官志

大吏傳下

七

魏 勤字亮采柏鄉人康熙四十二年任臨洮道值災稔加意賑
恤全活甚眾廉潔自持不受餽遺修理學宮勤課士子禁革驛遞
及私派車馬之弊後卒於官士民公請入祀

殷 泰字志同滿洲鑲黃旗人由西安副都統遷西甯總兵四十
六年擢甘肅提督絕餽獻核軍實慎黜陟必賞罰內甯外謐民夷
嘉賴晉川陝總督去有生祠

王遵訓由戶部侍郎巡按陝西茶馬杜絕苞苴禁差擾裁冗役免
行戶恤商寬征除干引之供輸焉

江 琦字思韓江西上饒籍先世以功爲甯夏衛世職琦生而英
勇武藝絕倫康熙十三年吳逆叛從總督趙良棟征討有功後征
噶爾丹奮勇先登大獲全勝陞總兵調鎮延綏河北四十八年擢
甘肅提督建威布恩慎選舉覈冗濫簡士馬繕軍裝謹斥墪兵番

畏服卒之日民爲建坊

楊宗仁字天爵奉天漢軍正白旗人由藍山知縣卓異擢知階州州近生羌每劫行旅抵任後連堡寨謹斥堠嚴緝捕諸羌斂迹遷同知臨洮府事值歲歉請發倉廩賑飢民減稅額恤商賈招流亡循吏之譽著於遠近上官有疑獄輒委治雍梁多盜老瓜陰賊尤爲民害因讞他獄發案百餘皆爲窮治又慮有司失察被譴取百餘事彙爲十案悉置諸法盜風頓息而有司亦全遷知臨洮府尋擢西甯道振頽剔弊賢聲尤著陞浙江按察使歷任至湖廣總督卒加少保諡清端崇祀賢良祠

田呈瑞字蒼崖山西汾陽貢生康熙五十年任臨洮驛傳道政尙簡穆五十三年歲苦荒歉博採輿論凡近河之地相度形勢徧給翻車廣資灌溉城西五十里石佛灣有渠久淤捐金開之費踰巨

甘肅新通志

卷五十六

職官志

大吏傳下

巽

萬未幾邊徼有事軍興旁午遂暫停止以俟再舉五十六年遷浙江金衢嚴道渠雖未成百姓至今猶感稱之

趙世錫奉天鑲紅旗人康熙五十四年任西甯兵備副使會準噶爾亂黨侵據西藏日肆屠戮詔平逆將軍延信進藏征討軍馬雲集供億浩繁世錫殫心調劑芻餽不缺而給直寬裕民力遂紓雍正元年青海蒙古親王羅卜藏丹津等謀叛沿邊喇嘛番人亦相勾連窺伺世錫躬率民兵內運軍精外禦強寇日以繼夜時回民有入青海賊者其親族在城內主將欲盡誅之世錫以身家保護全活者眾其他捐發社糧修置田器散貧民衣給餓孳食甚有恩惠軍民於其卒也思之不已

富甯安滿洲人端方公正廉直謹慎康熙五十四年以吏部尙書辦理陝甘軍需嗣遷靖逆將軍統師出塞馭軍嚴而有恩塞外番

夷畏威懷德在巴里坤十餘年賊無敢進塞者陞大學士
阿爾納滿洲人持躬廉謹奉職公忠以副將軍統兵出塞收復土
魯番平定青海功績甚著兵之所至毫不擾民人皆感頌
路振聲字益遠長安人起白戎行而溫雅宜人爲政持大體初鎮
肅州奏廣陝甘武舉解額各倍其舊康熙五十四年擢甘肅提督
次年 詔率師赴巴里坤奏捷歸晉太子少保兵部尙書
覺羅逢泰滿洲鑲紅旗人康熙五十七年由翰林檢討任陝甘學
政鑑衡精明一時名士悉蒙拔識奏增古浪文武學額邊徼之士
益知嚮學

蔣 河號復軒江南常熟進士康熙五十八年任涼莊道寬厚大
度靜淵有謀爲政尙大體厭煩屑其惻怛之惠所及往往法不加
而人知畏雍正元年逆番作亂洞散家財以練鄉勇得二千五百

甘肅新通志

卷五十六

職官志

大吏傳下

完

人塞其隘出偏師以擣之比官軍至賊已疲敗不支論者以爲全
郡捍蔽陞山西布政使士民祖餞至數百里

李 麟陝西咸陽人康熙六十年授固原提督勇敢有爲練達事
體始隨勇略將軍趙良棟征四川雲南等省繼隨振武將軍孫恩
克征噶爾丹終隨平逆將軍延信征策妄阿喇布坦並護送達賴
喇嘛進藏以積功加右都督授騎都尉

莊廷偉字軼羣江南武進進士雍正元年任甘山道會海部羅卜
藏丹津跳梁其黨寇涼州逼永昌陷新城殺守將時鎮兵出征者
未返而留者又往救新城廷偉乃練民兵俾城守紳士商民舉令
登陴每門置土囊備壅門嚴稽出入凡草車探以矛女子覆面發
而視之乃得入鄉堡各聯結聚礮石互守望有備無患人賴保全
王 暮江南太倉州人雍正元年任陝甘學政清平仁恕衡鑑公

明啟迪士類思誼如父師士人稱之

素 丹滿洲正黃旗人康熙十年襲父斐雅斯哈爾爵授護軍參領二十九年隨裕親王征噶爾丹於烏蘭布通中箭傷回駐防窩頁蘭州等處雍正元年隨年羹堯征青海羅卜藏丹津與岳鍾琪會勦於哈拉濟滿斬獲甚眾二年授正黃旗都統兼署固原提督七年卒於涼州

通 智滿洲人兵部侍郎雍正初年奉 旨開惠農昌潤二渠有美政又奏修唐漢二渠親身督率備極勞瘁前此濬渠多以缺一畝之士非數人轉之不能達於岸今之背斗以一人背負而上工省而取土多蓋其遺製也

陸賜書雍正間以進士任涼莊道性沈靜甘淡泊其節操足爲仕宦所矜式

甘肅新通志

卷五十六

職官志

大吏傳下

辛

郭朝祚雍正間以軍營保舉任涼莊道兼理戎務及撤兵凱旋調驛傳道書法甚精人多珍藏之

單疇書山東高密人雍正間任甯夏道時甯夏無義學疇書捐貲於明倫堂東西齋房設館延師以訓生童歷陞戶部侍郎奉 旨

借通智來甯修渠疾歿於甯夏士民思其善政稱道不衰 殷邦翰正白旗漢軍雍正間任涼莊道以小房課金報入官辦軍需沒於外

馬爾泰字虞尊滿洲正黃旗人剛方端恪學問淹博雍正二年奉 命督建安西各處城垣九年復以工部侍郎至肅州籌畫軍務十三年以市易夷貨復至肅州撫懷柔遠威惠並施乾隆八年以 總督巡察邊營爾泰三至肅州再抵安西鼓勵戎行而營伍以整 究察民隱而姦宄以除功載口碑恩覃塞外舊德新業聿稱威美

何師儉浙江人由歲貢雍正間任涼莊道耿介精明民懷吏畏
菩薩保正白旗蒙古舉人雍正間任涼莊道性廉靜吏治嚴肅後
遷閩涼民不忘德

赫 赫滿洲人雍正六年任隴右道時多納土司趙某驕縱不法
惡蹟甚夥番民不堪其虐詣京叩閩部司飭道詳查赫據實上覆
遂伏法民歸流爲歸安里又岷西南有山產木民多賴之奸商賄
番占其利赫嚴爲懲禁且鐫諸石富商無復覬覦岷舊無書院赫
始以汪元綱之濯纓堂創設岷陽書院文運之開實始於此

富 祥滿洲人繼赫赫任洮岷道初赫赫旣建書院而無膏火貴
本祥爲籌款生息延宿儒勤爲講課文風由是蔚起

潘允敏江南溧陽人雍正七年任陝甘學政藻鑑精明士無遺才
尤亟亟勛以正學嘗曰吾奉 命操玉尺爲 國家量才僅得虛

甘肅新通志

卷五十六

職官志 大吏傳下

季

浮士帖括雖工 朝廷何賴焉以故凡經賞識者皆爭自磨礪而
務敦其品

許 容字未詳河南虞城人雍正七年任甘肅巡撫時甘雖肅清
吏治猶多廢弛容蒞任劾貪酷懲奸猾裁州縣陋規賑撫饑黎開
疏渠利歲屢旱禱雨輒應捐俸修金天觀復卽前明花園地創修
蘭山書院籌膏獎增月課躬親訓迪士風由是蒸蒸日上明末以
來甘省迭遭兵燹志乘鮮存容極意搜羅修通志五十卷乾隆十
八年重修孟忠毅祠紳士請以 國初撫甘許容及劉斗皆有功
德於民者併祀祠內

查郎阿滿洲鑲白旗人雍正十年以吏部尙書總督陝西署甯遠
大將軍印駐紮巴里坤乾隆元年總督川陝軍務駐肅州戢軍安
民地方清謐邊人戴之

鈕廷彩鑲白旗漢軍人雍正十二年任甯夏道開惠農渠修漢渠及大清渠中衛白馬寺灘田數千頃舊稱沃壤明末山水冲決渠淤不能溉民皆流徙廷彩相度地形議建石環洞以通山水上架飛槽橫渡渠流人謂其事艱鉅恐難成廷彩獨斷不疑詳請動帑興工歷三載鬚鬢爲白渠竟成失業者皆復歸民懷其德建祠立碑塑像祀之

蔣嘉年鑲黃旗漢軍任甯夏道廉公有威綜覈吏治問俗觀風孳孳不倦尤虔於祀典 文廟丁祭凡俎豆禮器必躬親巡省留心渠務每春濬必身爲董勸諸弊肅清工役倍奮民享其利後陞甘肅按察使

張體義字漢林山西浮山人雍正十二年由廣東按察使調甘辦理糧饟署甘山道事惠民恤商尤重文學延師課士必爲身親歲

甘肅新通志

卷五十六

職官志

大吏傳下

三

捐膏獎至數百金

二 格滿洲正白旗人雍正十二年提督甘肅馭軍輯民有良將風是時巴里坤宿重兵甘州斗米值一金有奇軍民並棘格疏請截留軍需米石平糶得 俞旨公私交濟軍民咸悅尋陞少司馬去

鄂爾泰字毅菴滿洲鑲藍旗人雍正十三年以少保大學士一等伯督巡陝甘經略西邊一應軍務出巡阿爾蘇疏上屯田事宜歸奏西夷未可卒滅擾敝中華無益會果親王從西藏歸與泰言同上遂罷兵與天下休息加太傅卒諡文端入祀賢良祠

楊應琚字佩之奉天漢軍人宗仁孫也任西甯道時與其祖相去僅二十年舊時婢僕猶有存者時論榮之先是西甯屬文武生童皆就學院於臨洮或涼州應琚創建貢院申請提學臨試寒士得

免跋涉重建 澤宮名宦鄉賢各祠增修小峽口厲橋請設城
九處派官兵分守諸番帖耳居民行旅便之賑碾伯饑築惠民橋
行朱子社倉法設各屬義學復於公餘纂修西甯志四十卷在任
十四年事事繩其祖武賢聲德政至今湟民思之

李繩武字昭來奉天正黃旗人乾隆元年以總兵官提督甘肅善
撫士卒有聲塞上凡四涖甘鎮建四來堂功德在人甘士民爲立
生祠

瞻 岱正黃旗人乾隆三年提督甘肅廉幹爾慈祥絕饋獻飭卒
伍兵民感悅建軍儲倉捐貲購麥粟貯之每窘乏減息出貨以濟
營伍窮黎卒於官軍民肖像祀於東郊

黃廷桂奉天人乾隆六年巡撫甘肅興利除弊知無不爲亢陽步
禱甘霖立應陞川陝總督總理軍需駐劄肅州立法盡善百姓輓
甘肅新通志 卷五十六 職官志 大吏傳下 五

運糧饑踴躍爭先時甘肅歲荒諭令官爲煮粥差員監視務行實
惠又遣使催運西安倉儲散賑平糶全活無算口碑載道歷久猶
稱

圖爾炳正黃旗人以按察副使分巡甘山道禁絕行戶釐剔奸弊
清約率屬軍民感戴與提督瞻岱同時而政行如出一轍時以二
人爲魯衛云

武 忱蒙古正紅旗人乾隆八年擢甘肅道和易有惠政大憲交
章薦之陞蘭州布政使既去甘人思之不置

陳宏謨字汝咨號榕門廣西臨桂人爲諸生時卽以經世爲己在
乾隆十二年權陝甘總督以農桑爲先務凡書院義學社倉育嬰
養濟諸事必計及久遠嘗言是非審之於己毀譽聽之於人得失
安之於數三者缺一不可張廷玉謂其能以民心爲己心視官事

如家事此可覘其所學所著有養正教女訓俗從政學仕各遺規在官法戒錄等書卒諡文恭

傅 清滿洲鑲黃旗人乾隆十四年任固原提督惠愛軍民旋詔赴藏察珠爾默特那木札勒逆蹟至責以叛逆命斬之爲逆黨所害 上悼之賜諡襄烈

文 綬滿洲鑲白旗人乾隆十六年分巡甘肅道威惠並著後以積功任陝甘總督安插土爾扈特降夷往來塞外不避艱險

劉統勳字延清山東諸城人乾隆十九年蒞任陝甘總督文章經濟彪炳一時爲政持大體不事煩刻於民事雖細微必體察務遂其情至舉廉劾貪人尤服其公允

方觀承字宜田安徽桐城人父式濟進士以事謫戍觀承歲省親塞外每徒行日百餘里於其閒勵志氣勤問學具知南北阨塞及

甘肅新通志

卷五十六

職官志

大吏傳下

五

民情土俗所宜設施乾隆二十年署陝甘總督以養民爲政而不擾民尤盡心於農田水利倉儲諸務明年 命赴哈密籌辦軍餉馬匹後遷直督卒諡恪敏

吳達善字雨民滿洲進士乾隆二十年任甘肅巡撫三十年任陝甘總督三十六年再任治尙駿厲火烈人畏法立令行上下帖服屢殲巨盜百姓以安軍政嚴肅行伍之士馴馴雅飭興利除弊勤懇不倦尤念甘肅地瘠民貧時虞荒歉爲之預裕倉儲有加無已民誦之如鄭子產云

王 檢山東福山進士乾隆二十八年任甘肅布政使時當屢歉加意撫綏整飭地方風清弊絕所屬競承風旨以宣德意良法善政次第舉行賦稅差徭輸運無弗規而盡善蒞任九閱月陞湖北巡撫

阿炳安正紅旗滿洲舉人乾隆閒任涼莊道精明勤幹修築滿城及郡城各工以勞卒

畢 沅字秋帆鎮洋人少穎悟六歲其母手示毛詩離騷過目成誦乾隆二十五年成進士 廷試列第一三十二年任甘肅鞏秦階道隨總督出嘉峪關察勘屯田尋調安肅道三十六年陞陝西按察使入 覲具言甘肅頻年苦旱狀 上諭督臣加意撫卹免積欠四百萬陞陝西巡撫兼署總督事會甘肅回叛陷河州逼蘭州城沅檄調滿漢兵先後赴援平之其後平涼逆回作亂攻掠通渭驛道梗塞復調兵助剿又分兵出間道繞其後俾不得他竄卒削平民得安業

楊 秘正黃旗漢軍由監生乾隆閒任涼莊道明肅精勤從容簡易

甘肅新通志

卷五十六

職官志 大吏傳下

五

尹繼善字元長滿洲鑲黃旗人乾隆閒督陝甘政肅而寬令簡而信廉潔率屬和惠愛民時全境清謐尤亟亟以興文教飭風化爲已任凡三督陝德澤所浸士民咸思

阿 桂字廣廷號雲巖滿洲正白旗人乾隆四十五年蘭州逆回蘇四十三作亂和坤勦失利 命桂督師賞罰分明號令整肅士氣頓奮進討擒之四十九年甘肅回民張阿渾叛破隆德攻靜甯圍伏羌 上遣海蘭察福康安帥師往勦仍 命桂督之敗賊於底店進圍石峯堡渾等窮蹙乞降後以平西藏功圖像 紫光閣位列第二卒謚文成桂器識宏遠沈毅遇大事必籌其始終得失雖在萬乘前不輕爲然諾乾隆中庫帑充盈 詔增兵六萬桂力言其耗費謂百年後當知之在甘德惠及人爲立祠祀之迄今不衰

福康安字瑤林滿洲鑲黃旗人忠勇公傅恆子也乾隆四十九年甘肅逆回田五張阿渾滋事授參贊大臣同將軍阿桂會勦由閒道趨賊巢立卡進逼賊思撲卡竄康安及參贊海蘭察親往督戰殲賊數千遂破石峯堡生擒賊首張文慶等晉封嘉勇侯疏言回民習武者多習文應試者少當以詩書化其桀驁請於循化廳設學校以資訓迪 上嘉之後圖像 紫光閣居功臣第一卒晉封郡王諡文襄配享 太廟

李殿圖高陽人乾隆末任洮岷道五十八年松潘寒盼土司與洮州卓泥楊土司爭界大憲委殿圖往勘深歷五百餘里至漳臘勘訖訪知番匪搶劫者數人誅之番眾股栗隨予善良者人一袴復大懽悅作絕句詩四十首名曰番行雜詠語甚新奇

甘肅新通志

卷五十六

職官志 大吏傳下

奕

甘總督時川陝楚三省教匪竊發藍號白號兩匪竄入陝甘筠疏勦匪事宜 上嘉其留心軍務忠悃可風復 詔令查領兵各員優劣筠密疏言副都統明亮素號知兵所言似合機宜究無實效將軍恆瑞前在湖北戰績稱最然已年近六旬精力大減提督慶成身先士卒然中無主見領隊則可出謀發慮非其所長惟額勒登保英勇出羣其次則德楞泰能辦賊者止此二人其後額德二人卒成大功後以功進禮部尙書

楊遇春字時齋四川崇慶州人乾隆四十四年以武舉從征甘肅是時教匪猖獗剽疾無定遇春搜勦無遺力功冠諸將嘉慶五年擢甘州提督擊泃隴賊俘馘甚眾擇驍健者八百人俾立功贖罪將軍穆克登違遇春議馳出賊前賊以騎兵斷其歸路萃精銳衝之遂潰遇春據小山力拒之擲草炬山下照耀如白日以勁弩射

之矢垂盡而天曙時八百人者殊死戰無不一當百賊大敗遁遇春治軍嚴整雖倉卒眾寡不敵未嘗少卻平日樸訥若無能遇賊輒機謀洞中應變如神尤不嗜殺故能得降人死力後以累功授陝甘總督晉一等昭勇侯圖像 紫光閣卒諡忠武

楊 芳字誠村貴州松桃廳人沈毅有幹略好讀書通經史楊遇春一見奇之旋以勦匪功擢甯陝總兵會遇春將入 覲芳署固原提督事甫涖任而甯陝所部新兵叛芳率固原兵隨遇春進勦芳謂遇春日叛兵皆百戰之餘驕悍習地利昨於戰時觀其情形可說降也遂單騎入賊陣陳以禍福皆感泣降遂平之後以出塞擒張格爾功加太子太傅晉一等果勇侯卒諡勤勇芳結髮從戎經百戰戰必躬先士卒所向未嘗挫衄論者謂二楊勦績高天下而芳受侯封竟先於遇春豈功名遲速皆關定數歟

甘肅新通志

卷五十六

職官志

大吏傳下

七

那彥成字韶九號繹堂滿洲正白旗人大學士阿桂孫也由編修遷兵部尙書嘉慶五年以參贊大臣率軍勦隴右教匪敗賊於秀金山賊陷文縣彥成乘月夜渡河擊之殲賊將李大旺等千三百人又敗諸林江浦俘斬千餘賊奔岷州踞山死守彥成率眾先登殲賊三百餘追數十里復擒斬二千有奇獲賊將詹世貴十二年調西甯辦事大臣時野番侵掠內地偕總督長齡攻克沙卜浪番境悉平十四年授陝甘總督歲大旱疏請緩征撥帑賑貧並陳散賑積弊 詔嘉之復請禁交代倉糧折色之弊以重積貯道光二年復督甘討青海河北番賊降之後以平回疆功加太子太保圖像 紫光閣諡文毅彥成生於世冑性好學工詩善書遇事有執持不畏權要雖爲當軸所忌而勳名滿天下中外想望風采卒之日甘士民感悼之立祠以祀

長 齡字懋亭蒙古正白旗人乾隆四十九年甘肅逆回田五叛
隨阿桂剿平之嘉慶十二年授陝甘總督時西甯賊番滋事討獲
賊目班珠爾貢格等二十二年以甘督兼西甯辦事大臣以甘地
山路崎嶇請裁減馬兵額以步兵調補會河北九族野番滋擾檄
總兵穆蘭泰等擊賊於克克烏蘇等處屢戰屢捷遂盡殲之道光
五年逆回張格爾叛 詔齡爲揚威將軍討之所至奏捷張逆奔
喀爾鐵蓋山遣將楊芳追之就擒晉二等威勇公卒諡文襄
陳啟文字虹江江蘇泰興選拔嘉慶二十三年任西甯道不附權
勢貪婪者立予參劾勤求民隱剔除積弊尤以振興學校變易風
俗爲急郡東平戎堡因爭渠水多釀人命控案纍纍百餘年未決
啟文履畝詳勘斷令分時日輪溉地多水少者向水多者買灌之
迄今相安無事禁採買番族草束修麒麟河通濟渠民甚便之貴

甘肅新通志

卷五十六

職官志

大吏傳下

庚

德同知某縱書斗浮收征糧飛灑累民據迹參揭伏其辜旋中蜚
語被議去甯人甚感惜之

鄂 山字潤泉滿洲正藍旗進士嘉慶八年任皋蘭縣知縣設粥
廠活饑民勸勵義學給師生膏火皆捐廉俸爲之聽訟尤明決發
奸摘伏人無敢以情匿者時稱爲鄂青天道光初累官陝西巡撫
署陝甘總督民間其至歡呼相慶跪而迎者塞衢路時回疆不靖
役車絡繹鄂山刊示供差章程閭閻不擾民尤德之

盧 坤字靜之道光元年遷甘肅布政使察吏安毗弭盜救災備
荒闢地善政甚多後大軍征回疆偕總督辦轉饟事宜坤上轉運
事十一條皆報可大兵自進剿至凱旋購屣駝運絕不擾民共用
帑銀千一百餘萬轉輸不竭亦無虛糜坤之功也

朱桂楨字幹臣江蘇上元人性忠介剛實毅然以古人自勸道光

二年遷甘肅布政使居官廉儉屬僚奉法察獄備荒民受其福
雙 興滿洲正白旗生員兩任安肅道嚴正明敏政聲丕著道光
十年具詳肅州漢回雜處回詐而強漢愚而弱若 國家多事必
乘機起釁生民受其荼毒請將城關之回移遷郊外築堡另居不
惟易於控制且足消其逆謀省駁不准後竟如其言
程德潤字玉樵湖北人道光十五年任洮岷道甫下車卽以宏獎
文學爲己在創建文昌書院倡捐增加膏火購經史書籍以備士
子披覽於是十九屬髦彥咸來講肄掇巍科者後先濟濟皆德潤
作養之力也

李儒郊江蘇人道光十六年在洮岷道聘牛樹梅爲主講時時詣
院親課諸生剖晰疑義一時受業者咸遵循規矩學務根柢

鄧廷楨字嶰筠江蘇江甯人丰神高朗外容坦易而制行內嚴精

甘肅新通志

卷五十六

職官志

大吏傳下

五

於吏治一時號爲神明道光二十三年任甘肅布政使二十五年
權陝甘總督事時番賊屢侵蒙古遊畋廷楨遣將邀擊於硫磺溝
得前所失馬牛羊以萬計邊境遂安

林則徐字少穆福建侯官人初鎮撫兩粵勳績炳然中外震其威
名道光二十五年署陝甘總督會野番滋亂肆劫掠則徐先飭鎮
將防護馬廠時承平旣久營政漸弛則徐出按邊命演巨礮舉營
無知者一老卒能之立授以官士氣爭奮尋勦捕叛番及漢奸殆
盡民得安業後以勦匪功進太子太保卒諡文忠

胡 超以待衛歷官總兵加勁勇巴圖魯爲楊芳所統諸軍將領
道光中署固原提督捐廉修理上帝廟民多稱之

嚴良訓字迪甫江蘇吳縣人道光中由編修出巡鞏秦階道時巡
道駐岷州岷俗樸陋士不諳文藝爲創建文昌書院捐俸增膏火

暇輒詣院親爲講解如塾師諸生至者歲數百人隴南文教始振後陝甘分闡省元經魁相望出二州論者皆歸功良訓其爲治凡民來訟冤者悉心伸理決遣無淹滯伏羌回漢構釁幾致變良訓得報兩日夜馳至伏開誠撫輯亂得弭

明 緒滿洲鑲紅旗人咸豐閒授西甯道時野番寇境軍務倥傯明緒捐廉籌辦事平遷甘肅按察使尋擢伊犁將軍同治五年回逆環攻伊犁食盡援絕城陷殉節

李懷庚字西坦陝西朝邑人由進士任河州陞鞏昌府知府皆有惠政咸豐十年擢洮岷道時土司后統緒不法嚴爲懲之判土民歸流者八百戶時詣書院爲諸生講經史指示文法舊同民買羔皮者官收其稅懷庚廉知之卽爲豁免以故士民愛之如父師然侯雲登字梯月河南商邱人咸豐十年由御史任甘肅甯夏道屬

甘肅新通志

卷五十六

職官志

大吏傳下

李

有漢唐兩渠半淤塞雲登捐俸疏鑿士民頌之同治元年陝匪竄甘甯靈土回蜂起響應雲登募丁壯峙芻糧爲防勦計會城內奸回潛引外匪攻城城陷雲登與子錫田率練丁巷戰死 贈布政使

徐辰告字葆田浙江山陰進士初宰安定清廉勤慎吏不敢欺邑有雹災不待報卽親犖錢下鄉賑之先是民完地丁者每銀一兩輸錢二串後銀價昂幾過倍辰告令依舊完納不足者出俸金補之恐數一增將爲永遠害時回亂未起先燭其幾課士餘暇復教民團練同治初擢首道回逆果作亂圍狄道總督恩麟一意主撫辰告力請往援反櫻其怒遂致政歸辰告旣去而甘事不可問矣林之望字遠村安徽懷遠人由給事中出巡鞏秦階道時隴上回氛正熾甫到官卽奉檄總南路軍務兵饟無所出乃延紳商感之

以誠輸者響應於是招募丁壯躬自督率賊來犯輒擊卻之進解伏羌圍復兩當克三岔軍聲大振同治三年隨曹克忠攻賊高樓堡拔之擒斬千餘賊始竄出境無何髮逆陷階州之望與川陝諸軍議進剿眾憂其無饗之望曰已儲之第行無恐而密遣人以利害諭前途各村堡民感之出粟饗軍軍以不潰遂克階州陞甘肅按察使晉布政使會省城乏糧標兵譁變戕制軍幕府之望冒鋒刃出撫亂得甌蘭人德之

楊能格字簡侯遼陽人咸豐閒由翰林出巡甯夏道甫蒞任卽周歷秦漢五渠督民鑿築頌聲遍五屬旋署甘泉會河州兵變單騎赴之曉以大義誅倡亂者數人一軍帖然同治三年辦慶陽糧臺兼理軍務時慶陽宿重兵將士率驕橫能格申明軍法皆斂迹四年固提雷正綰軍潰於金積堡或傳其與眾叛督撫未察遽入告

甘肅新通志

卷五十六

職官志

大吏傳下

六

能格曰是激變也飛章白其誣眾始戢涇州諸將率眾至慶大肆淫掠能格疏劾之蔽罪數十人由是怨者多以事中傷之遂回臬司任未幾去部民思之

沈兆霖字子棻號朗亭浙江錢塘進士道光閒視學陝甘所拔多知名士累官戶部尚書軍機大臣咸豐十一年署陝甘總督時西甯撤回煽亂蹂躪幾遍湟中兆霖親率大軍討之賊畏赴行營籲降師還抵平番之小沙溝忽雷雨大作山水暴注兆霖及巡捕等三十七人均沒於水事 聞子諡文忠入祀賢良祠並予建專祠於平番

圖明額字厚齋涼州駐防滿洲正紅旗人由佐領從勦髮逆以功陞右翼協領同治初陝回竄甘屢擊敗之陞副都統四年涼州土回作亂明額與賊戰三晝夜大敗之掃蕩賊巢後大軍得入河湟

復張掖破肅州無後顧憂者賴此一戰是時歲大饑道殣相望明額糶糧措饒保軍衛民全濟甚衆

曹克忠直隸天津人謀勇兼優爲時名將同治間剿回入甘賊望見旗鼓輒竄旋奉檄督前軍且剿且進直抵蘭垣時大亂方殷省內斗粟三十餘千餓殍殍如麻城外四圍皆悍匪所盤踞克忠相機堵剿疏通糧路數百萬生靈始有再生之慶亂平後蘭人立碑誌德至今猶尸祝之

恆 齡滿洲鑲紅旗人同治三年署安肅道時回禍日烈齡甫下車周諮民隱興利剔弊日勸紳民以團丁壯儲糧械求戰守諸急務民倚之如慈母四年肅回陷嘉峪關齡聞警募遣犯數十人會鎮兵往剿將發城回變作齡方食投箸起率所募遣犯及健僕馳擊之首衝賊隊殺數十人刀折奪賊矛又刺殺十餘人賊稍卻而

甘肅新通志

卷五十六

職官志 大吏傳下

空

鎮兵忽奔潰逆黨遂環繞齡刺其背洞胸死左右亦戰沒方齡之出戰也其母李氏在署有走告鉛丸竭者李撿鐵釘翦衣鈕給之齡死家人不忍告李曰勿給我我兒豈偷生者哉呼齡妻妾坐一室命舉火皆自焚死以按察使例優卹 敕肅州建專祠

張瑞珍字寶卿安徽壽州人道光庚戌進士以知縣來甘歷宰甯遠秦安張掖安定皋蘭等縣所至有聲同治元年權西甯縣剿撤回有功調署靈州適鹽固逆回糾合馬化澂黨圍攻州城城爲地雷轟裂三次且戰且堵相持月餘先是瑞珍瀕行知州庫乏兵械預留子姪於省督匠仿鑄其鄉之長龍火槍至是聞警募死士百餘人負槍往援內外夾擊八戰皆捷賊始遁去旋統宣威軍襄辦省防署蘭州府知府近省多賴保全四年署鞏秦階道督辦甘南軍務有張家川回目李德昌擁眾十餘萬盤踞要隘瑞珍單騎入

賊營曉以利害德昌感悟率眾投誠川陝運道乃通因就秦州設糧臺厥後左軍進規全隴饋饟無缺實資其力九年補授蘭州道尋告歸沒於蜀祀名宦初德昌之就撫也瑞珍倡捐萬餘金經營善後俾咸得所光緒二十一年河湟回匪之變圖竄陝境屢約德昌同叛德昌約束部眾卒無異志曰吾不忍負張公也性和易善教誘官牧令時手爲諸生改削文字又主講秦安書院數年名宿多出其門所著有隴游草蜀游草詩集

琫 武字蘭谷滿洲人同治初署鞏秦階道後調任蘭州道撫綏流離啟迪士類實心實政不事粉飾每接屬吏諄諄勸以愛民一時稱爲長者

穆圖善號春巖滿洲人同治二年隨多隆阿入陝勦回戈矛所指賊眾披靡陝回西竄後授甯夏將軍旋署督篆當是時蘭屬歲奇

甘肅新通志

卷五十六

職官志 大吏傳下

奎

荒斗粟二十餘金餓殍枕藉人相食圖善目擊心傷設法令蒙古部人以芻駝數千由北路晝夜輓運比聚河干平其價使老幼婦女均得以升合糴糧其赤貧者賑之由是全活甚眾次年復捐廉散子種給耕牛收成後斗粟頓減銀四五金暇則招集生徒肄業書院而優其膏獎及卸督篆後猶日歷四鄉勸民修堡寨置軍械爲防守計其他補修浮橋豁免畝捐善政甚多蘭人感之豎碑以誌德焉卒諡果勇奉 旨於省城內建豎專祠

左宗棠字季高湖南湘陰人少負奇氣有大志道光壬辰舉於鄉巡撫陶澍每與論時事驚歎曰天下奇才也及大用勦平髮寇同治六年由閩浙總督移陝甘加 欽差大臣督辦軍務時捻回數十起眾逾百萬所在殺掠城社爲墟宗棠議先擒後回遂先勦擒殲之七年入覲 上詢西陲師期答以五年可竣遂率大軍入甘

遣將劉松山等三路進兵屢戰屢捷斬馘數萬蘭道始通八年拔董志原老巢進復靈州九年克金積堡誅首逆馬化澂十年進平甯夏十一年復河州且勦且撫降賊數十萬又遣劉錦棠率董福祥等收復西甯遂合諸將攻肅州克之殲逆回六千餘人磔悍回馬文祿等白逆彥虎逸出關外遣將追之關內肅清加協辦大學士晉一等輕車都尉世職時兵燹之餘戶口彫殘宗棠賑子遣招流亡給牛種多方安集民始得蘇先是陝甘合闈士子赴試道遠資艱乃力請分闈創修貢院增中額飭修各屬書院義學發給書籍公車北上屢捐廉厚給資斧由是文風蔚起得人稱盛光緒元年白逆蹂躪新疆伊犁復爲俄踞時海防孔亟有議棄關外地者宗棠力陳不可遂奉 命督辦新疆軍務昇櫬出關勦南北兩路收復所失城全疆肅清捷奏晉二等恪靖侯由是軍威大振俄人

甘肅新通志

卷五十一

職官志

大吏傳下

畝

震懾乃還我伊犁宗棠剛塞強毅學術正大實能見諸事業在甘軍事旁午官書山積必一一省治奏疏皆親起草卽最下裨校簡牘亦皆手自批答待將士以誠信貪夫悍卒均能得其死力時以漢武鄉侯目之及凱旋入關見草萊遍墾官道旁所植柳已成陰欣然加餐一時老幼歡迎歎曰天生異人也後督師闡疆法人請和始以疾告旋卒 贈太傅諡文襄 勅各省建專祠入祀賢良祠

劉松山字壽卿湖南湘鄉人以勦髮搶功任肅州鎮總兵旋奉命討甘隴逆回當是時松山名聞天下軍所至賊望風逃潰降土回十七萬有奇拔董福祥於民團於是渡隴東越花馬池進勦靈州破寨堡數百復州城逆渠馬化澂踞金積堡松山連鏖五十餘寨賊勢大熾同治九年爲五寨賊僞降冀緩其攻察其情非真自

督軍士舉薪燒寨門飛礮中左乳諸將憤怒陷陣立俘馬五屠其寨卒 贈太子少保諡忠壯 敕行省建祠祀之

劉錦棠字毅齋松山之猶子也同治八年隨松山入甘總營務松山攻馬五寨陣亡左宗棠貽書有堅守退屯語錦棠謂不力戰則靈州不保必齊致死此軍乃可全遂祕其書一戰擒馬五復大破河狄援賊軍聲復振 詔加三品卿就統老湘軍進克金積堡誅馬化澂父子搜剿餘匪以功晉布政使九年率部將董福祥李雙梁等趨峽口擊回首禹得彥崔三大破之進攻白彥虎等於高家堡燒其壘賊踞西甯久率兵剿之覘賊勢盛昇關花大礮轟之賊牆壘皆塌匿溝內麾軍蹙之殺賊無算復進軍肅州時諸軍圍肅城七月未下錦棠至逆渠馬四怖甚詣左宗棠軍前乞命錦棠惡其反覆請磔馬文祿等七人復屠客回土回六千餘人肅州平十年以平定新疆功授新疆巡撫加太子太保晉一等男後卒諡襄勤建有專祠

甘肅新通志

卷五十六

職官志

大吏傳下

奎

劉 典字克菴湖南甯鄉人左宗棠入甘討回典以陝西巡撫幫辦軍務議三路進兵之策旋以母病疏請省親去位後關內肅清宗棠督辦新疆軍務奏調來甘幫辦後路事宜及新疆收復典復乞養親甫卸事卒於省垣諡果敏

黃 鼎字彝封四川崇慶州增生性樸直不阿負才氣以經濟自許辦鄉團屢破賊蜀督駱秉章奇之以積功保知縣同治二年髮回蹂躪陝西秉章檄鼎隨陝撫劉蓉馳援爲蜀軍入關之始鼎至以所部復漢中興安諸郡縣授陝安道八年度隴平董志原逆巢與賊大戰於白吉原等處大敗之斃賊二千餘陣斬首逆于彥祿等復進剿馬化澂克百塔峽口逼金積堡會老湘軍掘長濠困之

九年冬金積平擒首逆殲悍黨數千撫降回萬餘人陝甘總督左宗棠將規河狄慮東北無重兵檄屯勝金關十三年陝撫調防北山旋爲部弁湯秉勛所刺事 閩特旨優卹
周開錫湖南益陽人左宗棠自陝入甘時開錫以道員爲左軍翼長宗棠飭駐師秦州設里局通轉餉盡罷搜糧捐麪派夫負運諸弊政自秦州西至狄道沿途皆安營護運農民咸慶更生道路大通無阻後又統軍助剿回匪爲一時能將

王德榜字朗青湖南江華人福建布政使左宗棠討回亂奏調來甘督諸軍渡洮進剿河州逆回身負重傷裹創力戰出奇制勝數百座賊壘以次削平降者十餘萬拔出難民無數廣開狄道河渠引泉灌溉獲沃田百餘萬畝時豺狼爲患命將士習獵搜捕狼患頓滅士民愛戴會法人起釁奉 旨赴廣西大敗法人於鎮南關

甘肅新通志

卷五十一

職官志 大吏傳下 奕

外甘南人每樂稱之

雷正綰字緯堂四川中江人以行伍隨征江皖髮逆及山東捻匪歷功擢陝安鎮旋授固原提督時回逆猖獗正綰率師進攻涇州平涼固原東西山一律削平遂擄金積堡俘獲巨酋旋隨大軍克之同治十年加授春巴圖魯始准任整練防軍籌辦善後光緒十年奉 召赴鳳凰城防堵入覲蒙 特賞十二年回固原任加少保晉尙書銜二十一年撤回爭教以孤軍失利開缺回籍計先後握提督篆者三十餘年治軍嚴肅又復捐廉培植書院禮賢厚士有古儒將風歸田後紳民感德爲立去思碑

楊重雅字慶伯江西德興進士同治十年任甘肅按察使才識精敏矢心廉潔摘奸發伏眾號神明時回亂甫平一切善後事多所籌畫左宗棠甚倚重之倡捐廉俸增蘭山書院膏火課士必躬親

文之佳者分俸重獎有疵者諄諄啟迪情誼若父師先是陝甘合
闈士子苦於赴試左宗棠欲奏請分闈重雅贊成之士林感德仕
至廣西巡撫及卒公請附入宗棠祠歲時致祭迄今猶樂道之
董文渙字堯章山西洪洞人同治間由翰林檢討分巡鞏秦階道
時巡道移駐秦州前巡道嚴良訓所創書院幾廢文渙重修之括
各州縣叛回遺產以充經費三郡來學者較前有加文風益盛其
訪求民隱縱遠無隔稽州境熒獨者五百餘戶免其徭役除屬縣
徵糧吏役披瀝需索之弊民尤德之

崇 保字峻峯滿洲鑲黃旗進士同治八年任甘肅布政使和厚
愛人接遇官紳藹然春風有善舉慷慨捐廉俸爲之倡眾咸以長
者目之後陞任去士民感思

鐵 珊字紹裴滿洲正白旗貢生同治間由知縣歷陞署蘭州道
甘肅新通志

卷五十六

職官志

大吏傳下

奎

擢甘涼道性廉介嚴肅不阿權勢愛撫百姓嘉惠士林有爲有猷
所至之處政聲炳著涼人爲建生祠

龍錫慶字仁荻湖南安化舉人同治七年陝甘回亂由刑部主事
出從戎以勦匪歷功加知府銜署西甯涼州甘州各府辦善後諸
務殫精疲神興利除害民慶更生光緒三年遷鞏秦階道值大稔
道瑾相屬錫慶屏騶從芒屨草笠巡行各屬所至與父老子弟聚
談訪問疾苦人無知爲長官者以是弊絕風清全活甚眾四年十
月移署甯夏道以渠工爲要政甫蒞任廉得浮冒諸弊卽親駐工
所乘小車周歷各渠寒暑罔間官吏無敢亂法者蝗害稼親爲搜
捕署篆八月在衙者僅二十餘日九年六月補授甘涼道時新疆
改設行省征調頻仍征軍絡繹苛派騷擾民不堪命爲立條約鑄
除積弊民困大紓復剔陋規永遠禁革政績冠一時涼人感德建

三賢生祠祀左宗棠暨前任甘涼道鐵珊與錫慶焉丁憂去職服闋補授福建鹽法道擢湖北按察使浙江布政使以勤勞卒於任譚鍾麟字雲觀茶陵人光緒八年繼左宗棠督陝甘時軍興後徭役繁重設里局派官車紳狼役虎爲閭閻害鍾麟悉其弊奏罷之甘地多旱令通省設常平廣惠等倉循化撤回爭教亂幾作命將授方略帀月而事平整飭吏治雖同鄉無所假借尤務休養民力河南鄭工捐及商帖稅先後派甘者凡數十萬皆以官款彌縫不取民錙銖搏節財用藩庫存款至四百七十餘萬及陞任兩廣甘人士爲勒去思碑後卒諡文勤

譚繼洵字敬甫湖南瀏陽人光緒三年任鞏秦階道以秦州地暖宜蠶設局募業帛者導以法漸收成效禁植罌粟必親巡視違者官爲劓之旋陞臬司未幾授甘藩潔已率屬勤接見訪利弊御之甘肅新通志

卷五十六

職官志

大吏傳下

奕

以嚴吏治爲之整飭購桑秧桑子頒發各州縣勸民廣種及陞任乃盡廢論者惜之

陶 模字子方浙江秀水人同治間以翰林散館來甘歷任文縣皋蘭秦州所至有政績薦陞蘭州道旋擢直隸臬司去後由新疆巡撫 簡授陝甘總督其爲治也嚴而有恩敦風化勤教養懲奸慝劾貪虐伺察神明吏民不敢欺性尙儉約自奉如寒儒每去任行李蕭然地方供給務令從儉在甘前後二十餘年以廉察聞後卒於兩廣總督任諡勤肅

姚協贊字馨圃奉天承德人同治間由翰林編修京察一等授鞏秦階道甫下車卽以培植文風爲事書院試士必親爲校閱啟迪如嚴師捐薪俸增膏火遠近士子接踵而來至齋舍不能容其出治無赫赫之名而勸植棉桑禁種罌粟皆以實心行之訟無拖累

刑不濫用然遇匪徒則嚴懲之不少貸隴右文教勃興風俗丕變協贊之力也

李 慎字勤伯漢軍旗人光緒間任甘肅布政使政尚嚴肅事無廢弛貪猾爲之斂迹旋擢授青海大臣

沈玉遂字翰青湖南湘鄉人同治初以勦賊功歷晉總兵左宗棠奏調治河湟軍克太子寺各匪巢授河州鎮總兵光緒十年署固原提督在任三載修理城堞暨 慶祝宮軍政嚴肅民多頌之附祀昭忠祠

曾 懃字懷清滿州正白旗人光緒二十年任甘肅布政使愛民恤士惠澤如春時河湟回亂懃慮郡城乏守具急發運鎗礮鉛藥以資扞禦城得不陷松岩失守難民逃至景古城新城堡官堡川者萬餘人懃又發運麩豆寒衣及救疫藥劑亂甫平復散籽種給

甘肅新通志

卷五十六

職官志

大吏傳下

完

牲畜民賴全活後陞湖北巡撫途中上疏請 朝廷變通成例被議革職後經開復湟人感德爲立貞碣

丁體常貴州人光緒二十四年任甘肅布政使有惠政宣統二年甘肅京官以體常循聲卓著遺愛在民請將生平政績宣付史館立傳並請於秦州建立專祠奉 旨准之

鄧 增字錦亭廣東新會人左宗棠督師秦隴以增善開花礮調隸楚軍進勦董志原金積堡賊巢克之同治十年隨劉錦棠勦賊河州乘勝薄西甯迭獲大捷進復肅州加總兵銜光緒初隨將軍金順出關以平回疆功擢西甯總兵二十一年循化撒回變起奉檄往救破悍回數萬遂解城圍進攻巴燕戎復札什巴巴城會西甯各屬回逆蜂起還軍守郡城賊衆兵寡竭力守禦伺間出擊多斬獲明年會大軍破賊於紙坊街賊平擢固原提督二十五年海

城回復作亂遣將立殄之二十六年八月 鑾輿西巡督隊赴
行在隨扈宿衛明年 回鑾復率軍扈從屢奉 溫旨嘉獎旋回
任增自以受 恩甚重矢報愈誠撫軍恤民事無大小必躬親遂
致疾卒於任附祀左宗棠專祠
李廷簫字筱軒湖北黃安進士光緒二十六年以山西布政使調
任甘藩兼護總督事時 兩宮西巡而陝甘均值荒歉甫蒞任卽
購甘州米五百石運貢 行在飭所屬開倉賑飢兼散給籽種陝
之邠州長武等處與甘境相毗連民多飢斃復以糧二千餘石賑
之以疾卒於任

李 德字吉人陝西華陰進士剛方正直才兼文武咸豐元年任
甘肅布政使兼攝按察使護總督爲政寬猛相濟綱紀肅然回民
黑仲魁被劫銀八百兩縣受役蔽反置仲魁於獄控京發勘各官
職官志 大吏傳下 李

甘肅新通志

卷五十六

職官志

大吏傳下

李

袒執前說德獨平反之旋陞河南巡撫調山東所在雪冤獄靖匪
徒吏治爲一時冠 詔嘉其辦理認真罔顧嫌怨不愧疆圻重任
山東爲京師保障關係全局粵匪分擾河南直竄東境德相機防
勦不動聲色安內攘外闔境保全三年賊圍懷慶德不分畛域帶
兵進勦力疾從事呼殺賊數聲而歿 優詔褒卹 贈總督太子
少保銜諡恭毅長子啟詔道光二十一年由廩生官高臺教諭修
學校立課程士子貧不能讀者助以粟米膏火文風大起登科者
踵接後陞湖南武岡知州署桂陽直隸州咸豐二年粵匪竄桂啟
詔帶勇迎戰力竭受傷手刃多賊死之事聞 詔建專祠 贈道
銜給雲騎尉世職 補輯

